

29

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

JUN 28 1982

7
E3129/82

三
5

畿輔通志卷之七十

名宦

大名府

周

仲

由 為蒲宰孔子過之入境三稱其善子貢問之孔子曰入其境田疇盡易草萊甚辟溝洫深治此其恭敬以信故民盡力入其邑墻屋完固樹木甚茂此其忠信以寬故民不偷入其庭甚閑諸下用命此其明察以斷故民不擾

漢

韓延壽

字長公燕人宣帝時為東郡太守上禮義好古教化表孝弟有行修治學宮繕城郭收賦租先明布告其日以期會為大事吏民敬畏趨向之又置五正長相率以孝弟毋舍姦人



在郡三歲令行禁止
為天下最見人物

王

尊

字子贛高陽人為東郡太守河水盛溢浸

以身填金堤因止宿廬居堤上吏民叩頭救止
尊終不去及水盛堤壞尊立不動水波稍却迴
還吏民奏其狀於是制詔御史職尊中二千石
加賜黃金二十斤卒民祀之為河侯祠見人物

東漢

姚

期

字次况光武時檀鄉五樓賊入繁陽內黃

率反鄴城帝以期為魏郡太守行大將
軍事期發郡兵擊京破之郡界清平

耿

純

字伯山鉅鹿人世祖時

魯

不

字叔陵扶風人建初時為東郡太守不在
郡百姓殷富數薦達幽隱名士明年拜陳

留太守

張

酺

字孟侯汝南人顯宗開學於南宮置五經

意肅宗即位出為東郡太守酺雖儒者而性剛
斷下車擢用義勇搏擊豪強長吏有殺盜徒者
酺輒案之以為令長受賊猶不至死盜徒皆饑
寒備保何足窮法乎元和二年東巡狩幸東郡
引酺及門生并郡縣掾史並會於庭帝先備弟
子之儀使酺講尚書一篇然後講君臣之禮視
事十五年遷
魏郡太守

岑

熙

南陽人岑彭三世孫安帝時為魏郡太守

與人歌之曰我有枳棘岑君伐之我有蝨賊岑
君遇之雞犬不驚足下生鼃含嘯鼓腹焉知凶
災我喜我生獨丁斯時
美矣岑君於戲休茲

仇

覽

字季智一名香陳留人為蒲亭長勸人生

年大化有陳元者獨與母居而母詣覽告元不
孝覽驚曰母守寡養孤奈何欲致子於不義乎

母感悔涕泣而去覽親過元家為陳人倫孝行
元卒成孝子鄉邑為之諺曰父母何在在我庭
化我鴟梟
哺所生

黃

香

江夏安陸人延光元年遷魏郡太守郡舊
有內外園田常與人分種收穀歲數千斛
香曰商者不農仕者不耕伐冰食祿之人不與
百姓爭利乃悉以賦入課令耕種時被水年饑
香力處賑給之子
瓊亦魏郡太守

陳

球

字伯真下邳人為繁陽令時魏郡太守諷
令球納貨賄球不與之太守怒而擿督郵
欲令逐球督郵不肯曰魏郡十五城獨繁陽有
異政今受命逐之將致議於天下矣太守乃止
尋辟公府後
歷魏郡太守

臧

洪

字子源廣陵人漢末為東郡太守曹操圍
張超於雍邱甚亟洪故與超同約起難徒
跣從袁紹請兵紹不聽超遂族沒洪由是絕不
與紹通紹與兵圍之歷年城陷紹生執洪謂曰

今日服未洪據地瞑目曰諸袁受漢恩王室衰
弱不為扶翼欲因際會希冀非望洪恨不推刃
為天下報讐何為服乎紹見洪辭切終不為已
用乃殺之洪邑人陳容隨洪為東郡丞起謂紹
曰將軍舉大事欲為天下除暴而首誅忠義豈
合天意紹慚使人牽出容呼曰今日寧與臧洪
同日死不與將軍
同日生復見殺

三國

胡質

壽春人魏武辟召授頓邱令性沉
實內察不以瑣節檢物所在見思

王修

字叔治北海人魏郡太守治
抑疆扶弱明賞罰百姓稱之

陳矯

字季弼廣陵東陽人為魏郡太守時繫囚
千數至有歷年者矯以為周有三典之制

漢約三章之法今借輕重之理而忽久繫
之患可謂謬矣悉自覽罪狀一時論決

羊

茂

字季寶為東郡太守冬月坐白羊皮夏
月坐一榆木板床出界買鹽豉食之

鄭 渾 字文公開封人文帝時陽平郡太守郡界患水滂渾於蕭相二縣界鑿陂比年大收民賴其利刻石頌之號曰鄭陂轉魏郡太守其治放此明帝下詔稱述布告天下

晉

鄭 默 字思元為東郡太守值歲饑默開倉賑給乃舍都亭自表待罪朝廷嘉默憂國詔書褒獎比之汲黯班告天下

樂

廣 字彥輔南陽人為元城令史稱廣為政無當時譽去為人所思

南北朝

孟 業 字敬業鉅鹿人皇建初為東郡太守以寬惠著境內麥一莖五穗其餘或三穗四穗

人以為政化所感見人物

羊

烈 字信卿太山人齊天保中為陽平太守蝗不入境勅書褒美

明

亮 字文德平原人魏陽平太守清白愛民甚有惠政朝廷嘉其風化轉汝郡太守吏士

往往追思之

許

惇 字良季高陽人東魏陽平太守時遷都鄴陽平稱輦轂郡軍國責辦賦斂無經又勲貴囑請朝夕徵求惇並御之以道上下無怨治為天下第一特加賞異圖形於闕詔頒天下

隋

魏 德 深 鉅鹿人煬帝時為貴鄉長不嚴而治會征遼賦斂無算德深調度轉給百姓不擾時盜賊羣起武陽諸城多陷唯貴鄉獨全見人物

唐

狄 仁 傑 太原人通天中為魏州刺史契丹侵冀州河北震動前刺史懼賊至驅民保城修守具仁傑至日賊在遠何自疲民萬一敵來吾自辨之何預若輩悉縱就田契丹亦引去

蘇幹 武功人 垂拱中魏州刺史 河朔饑 前刺史 苛暴 百姓流徙 幹檢吏 督姦 勸課 農桑 流

民盡復 以治稱

張廷珪 河南濟源人 歷魏州刺史 景龍中 宗楚客 廷詔 兩道 蠶產 所宜 雖水旱 得以蠶折 租廷珪 謂兩道 倚大河 地雄奧 股肱 走集 宜得其 歡心 安可不 恤其患 而殫其 力願 依貞觀 故事 準令 折免 詔可

陽嶠 睿宗初 魏州刺史 以清白 聞遷 本道 按察 使 魏人 務面 闕下 請嶠 為刺史 故再 治魏

崔沔 字善冲 長安人 為魏州 刺史 時雨 潦敗 禾沔 便宜 行事 賑饑 恤貧 郡人 大悅 博陵 人代 宗時 為澶 州刺史 不為 煩苛 人 便安 之流 亡還 歸居 二年 增戶 萬數 詔特

崔瓘 進五階 以 寵異 政

宋

王嗣宗 汾州人 開寶間 進士 通判 澶州 並河 東西 植樹 萬株 以固 隄防 上言 澶州 權酷 斗校 省斗 不及 七升 民犯 法釀 者三 石以 上坐 死有 傷深 峻乞 詔並 準省 斗定 罪從 之

陳恕 字仲言 南昌 人 太宗 時知 大名 府契 丹南 侵詔 會浚 城隍 民不 時辨 恕立 擒府 中豪 右一 人械 之以 狗吏 眾皆 股慄 無敢 後期 數日 功就 會契 丹引 去召 為諫 議大 夫

趙昌言 孝義 人 知澶 州有 操畧 治軍 嚴肅 蒞民 以 致決 溢昌 言伺 知之 盡籍 豪家 所儲 積供 用罄 其貲 境內 肅然

張禹珪 字天錫 真宗 時知 澶州 頗勤 政事 以瑞 麥 塞之 宰相 王旦 使充 州 還言 其狀 優詔 褒之

陳堯咨 字嘉謨 閬中 人 知天 雄軍 自契 丹修 好城 壁器 械久 不治 堯咨 葺完 之仁 宗時 復知 天雄 陞辭 上特 賜金 魚以 示優 渥且 日天 雄朔 方會 府非 文武 全才 不可 故命 卿耳 尋改 判澶

名宦

五

州令行禁止
境內肅然

程琳博野人判大名府持重不擾前後守魏十

日異時樓櫓之具可不出
於民矣郡人愛之為立祠

陳觀字思正絳州人仁宗時知澶州河壞係陳

患觀曰太守獨去如州民何乃躬率徒塞之堤
完水亦尋止觀持守廉白仁宗飛白書清宇賜
之

蘇舜卿易簡之子舉進士
知長垣縣有惠政

葛書舉江陰人熙寧中知長垣
縣為政明察吏民畏服

韓壽字君玉衛州人神宗時知澶州河決晝夜
還故職壽與學勸士吏事絕人所閱牘終身不

志澶州民懷思之他日郡守或欲有所為民必

曰此已經韓大
天矣以故輒止

文彥博字寬夫汾州人熙寧中判大名府彥博以
帝眷有加

帝眷
有加

程顥洛陽人神宗時簽書鎮寧軍判官時程昉

昉欲勿納顥曰彼逃死自歸不納必亂若昉怒
吾自任之即親往撫勞欲少休三日復役眾驩

踴而入具以事上得不遣昉後過州肆言曰澶
卒之潰蓋程中允誘之吾且訴於上顥聞之曰

彼方憚我何能
為果不敢言

韓綜靈壽人神宗時通判天雄軍河溢金堤民
依邱塚者數百家綜令曰能濟一人余千

錢民爭操舟筏以
救俄而邱塚多潰

韓絳者欲傍魏城鑿渠東趨金堤役甚急絳言

功必不成徒耗費國力而使魏
人流徙非計也三奏迺罷之

黃

友

字龍友温州人徽宗時判澶州金人敗盟
郭藥師以常勝軍叛燕士響應友獨領數

千人與之戰躬冒矢石士卒奔潰敵執友謂曰
降則赦汝友厲聲曰男兒死耳遂遇害帝書忠

節傳家四
字旌之

金

梁

肅

字孟容奉聖州人攝大名少尹正隆末境
內盜起百姓陷賊中不能自辨者數千人

皆繫大名獄肅蒞任驗
得其情讞出者十八九

徒單銘

字國本大安三年知大名府時薦
饑重困銘乞大出交鈔以賑之

徒單公弼

本名習烈章宗時知大名府事時南侵
宋軍興有司督逋租及牛頭稅甚急公

弼奏軍士從戎民日疲敝
可緩徵以紓民朝廷從之

元

張弘範

定興人至元二年為大名總管大水租稅
無出宏範輒免之朝廷罪其專擅宏範入

見曰臣以為朝廷儲小倉不若儲之大倉帝曰
何說也對曰今歲水潦不收而責民輸倉庫雖

實而民死亡明年租將安出曷若活其民
則歲有恒收非陛下大倉乎帝曰知體

達石帖木兒

寧夏人天曆間監南
樂有善政民為立碑

張

禎

大梁人至元時知開州會寇盜兵食方急
禎乃立三等九甲之法調劑輕重盡中程

度眾大悅及代百姓
泣送為立遺愛碑

陳執中

宿州人至正中歷清豐縣尹時兵革數興
民多凋耗執中平賦役課農桑復哀羨餘

以飭學校
境內蔚然

明

柳申 漢中人洪武初自蜀來歸任大名知府為政務經術尚德緩刑有循吏風

焦昉 字孟昇定興人永樂初知長垣九年百姓如父母宣德八年卒垣民相與營葬於邑城內

翟整 直隸滿城人永樂間知南樂縣修舉廢墜東南隅又為築室居其妻子遂世為長垣人

後遂家焉 政務寬平職滿邑人不釋留之

李輅 安邑人正統初以御史出知大名府尋加

惠而直廉而不激寬而 不縱時人以為實錄

李瓚 臨汾人成化間知大名府歲饑檄屬縣備

二水潑紆郡邑瓚建浮艘四一在府南門外一

在李家道口二在小灘民乃不病涉當弘治丙

辰河決長垣東明間瓚築長堤延袤二百餘里

世享其利瓚在任十有二年至今民不能忘

韓福 字德夫西安籍天長人舉進士弘治十一

年以監察御史出守大名立保甲法以時

詢察之盜賊滅跡道不拾遺鼓樓下嘗置認物

亭令境內有道遺者一錢以上齎投亭中許亡

者認取諸州縣吏民以公役獄訟詣府者率不

解行李人人投衣囊亭中畢各持去問遺旬日

他吏民不敢越也居八年以 治平為天下第一賜宴光祿

李嘉祥 貴池人宏治中知開州性明敏深燭奸弊

濠塹迨正德中流寇起畿輔多被 其累獨開以城固得全民益思之

鮑琦 麻城舉人宏治間知大名縣漳水溢田舍

飄沒琦相土築堤不三月而工成水患以 息至今呼為鮑公堤

王懋中 安福人進士宏治中知南樂縣精明敏達

吏不能欺官至都御史從王守仁平宸濠 亂之

何塘

正德初進士官修撰剛正不阿以忤劉瑾不當之勇

不當之勇

劉鸞

陝西白水舉人正德五年知東明縣時流賊攻東門二日幾陷鸞登城督戰幾百餘

合項刺二鎗神色不變巡守彌勵乘風縱火賊圍始解監司以狀聞特賜綵緞

馬卿

字敬臣林慮人正德七年知大名府大名故多盜自罷置守衛境內無寸兵可恃卿

抵郡檄州縣繕城濬隍募裔力者別為隊伍擇縣令陳智教諭陳惻總領團練定賞格以訓勵

之人人無不效死聲震河朔盜不敢犯其境焉

高夔

陝西義渠人正德間由舉人知大名縣時流賊劉七齊彥明等自燕趙轉掠而南夔

修城塹具火炮戰車賊知有備遁去事平因鮑公堤築為外城城外別有小堤禦水重關叠塹

邑人賴之

張漢卿

儀封人進士正德間知魏縣嚴明果斷摘醜酒聲姑謂嫂曰此酒好似張爺一清

徹底擢刑科給事中以此酒好以議大禮罷歸

潘墳

字伯和山陽人進士正德間由兵科都給事忤權貴謫開州同知先是城曠而虛白

晝行劫墳徙鄉里富豪千餘家實城中市廛稠密奸盜斂息嘗修忠烈二祠及循吏鄉先生行

實炳烈者入祠惠政不可悉舉

喬璽

山後人正德辛未薊盜劉六等率眾萬餘攻東明璽以指揮從遊擊將軍許泰奉命

擊賊被圍二日將陷璽為先鋒大戰於城東賊眾我寡與千戶姜某俱戰死已而泰以重兵繼

之賊乃敗去許泰亦山後人

蔣舜民

江陰人正德中進士知清豐縣初縣田賦高下懸絕民力不支舜民立均田之法區

弊一清

朱

純

長洲人嘉靖二年知開州汰冗費革弊政羣吏肅然操持廉潔於民纖芥無所取論

者與廉范並稱

王叔果

永嘉人嘉靖壬戌進士以兵部郎出守大名崇尚理學復修天雄書院造就多士一時知名之彥

多出其門

葉溥

龍泉人嘉靖五年知大名府性剛介自持務廉白寡言笑雖察佐皆嚴憚之不敢干

以私境內肅然為隨至官唯兩童子琴書一囊而已去郡之日亦如之

王德

永嘉人嘉靖間大名推官決獄如神滑人為捕賊誣陷德獻出之滑人立祠以祀

曹邦輔

定陶人進士嘉靖十二年知元城操持廉潔胥吏憚之節省里甲之費歲數千計時

邊方多故上官促辦軍器甚棘悉以公帑羨餘給之毫髮無取於民歲饑賑貸有法民賴全活

李冕

章邱人知大名縣按地丁以均徭役百姓稱便都御史下其法於州郡著為例遷本

道副使邑父老願尸視之冕嚴禁弗許上諭重之

諸

稱秀水人由進士嘉靖間知大名縣妻孥不置學田數頃以贍貧士復築堤以障河民至今賴之

潘

騷烏程人嘉靖間謫大名判治操體要所著大名府志當時與茅坤並稱

金應照

吳縣人進士由山東僉事謫知開州歲饑設法賑恤全活萬數遷去行李蕭然當時

有襟懸皎月守潔澄潭之頌

王芳

湖廣人由進士嘉靖間知魏縣革里甲無名之科祛徭役不平之弊歲饑賑濟有法

全活甚眾

樂

護臨川人精天文學歷光祿卿掌欽天監事嘉靖甲申五星聚營室廷臣並上表稱賀

護獨抗疏以為非是禮官劾奏之出守大名府護以列卿宿望出典郡事不嚴而化護亦不以

重臣倦民事案無停牘辨決如流獄舍累旬月無繫者尋復原官去吏民追思之

張謙

慈谿人嘉靖二十年知大名府以廉馭吏終謙之治吏無敢受一錢者故事養馬常

課外復徵餘地錢百姓苦之謙請豁免又種馬間十歲一編弊孔滋甚謙收編四年輒清審之

積弊除刷殆盡
民建祠祀焉

朱湘

義烏人進士嘉靖間知大名縣創應龍書院羣士子遊息其中月加三試仍置學田

二百餘畝給廩餼士賴以成者甚多更建社學十四所選塾師分訓之茲誦聲遍於四境士民

立祠祀之

張瀚

仁和人嘉靖年知大名府郡故沃土民各任所出不知農瀚教以樹植始勤穡事環

九百里桑麻遍野瀚素雄於文政除輒引弟子員授之經義一時文物稱盛

楊廷選

號賓吾錦衣籍鄆縣人進士嘉靖間知魏縣英發明斷人不敢欺土豪結黨逞凶至

不敢仰視選廉得其人繩以重法一時強暴斂跡至今追思循吏必曰京楊去任東西郊父老

爭為建祠
事者兩從之

沈鍊

會稽人進士嘉靖間知清豐縣廉介多善政士民愛戴交口頌之陞錦衣衛經歷疏

詆嚴嵩冤死清豐父老建祠北城下婦人擗子歲時曳香楮踵相屬或歌或歎奉之虔如考妣

焉

李栻

號勺溪豐城人進士嘉靖間知魏縣政暇詣思誠書院與諸生徒講學饑則市胡餅

啖之三閱月以憂去後補肥鄉過魏士民遮留至三日不能行為立生祠祀之

甄敬

平定州人進士嘉靖間知大名縣值歲稔民多流亡敬設法賑救全活甚眾均田釐

賦積弊盡除父老畫像祀之徵拜監察御史

操時賢

江西浮梁人進士嘉靖間知東明縣廉平公慎首屏猾吏清三省賊巢殲其渠魁課

農導士一方
稱樂利焉

段錦 恩縣人進士嘉靖間以監察御史謫大名

支費民賴以蘇凡經過使客
聞其名俱迂途去不敢入擾

温如春 洛陽衛人進士嘉靖間知清豐縣言貌和

煦及遇事可否凜弗可易救荒有法詔賜
白金文綺令畿

孫綜 餘姚人進士隆慶二年知長垣縣清馬廠

多頌
之

胡宥 休寧人進士隆慶五年知長垣縣天性濶

達練悉世務長於易學往往與諸生竟日
發明且給餼膳士貧者多待舉火焉至修學校
節里甲省徭役清庫藏罪豪猾德威並著尋擢

御
史

董元儒 會稽人進士萬歷間知大名縣持身嚴

張國柱 號寧宇平原人進士萬歷間知魏縣遇事

有擔荷自開河議起鄰封以息肩嫁禍上
官以濟運為題魏幾為瀕柱為民請命
以去就爭始得報罷至今民思其德

區大倫 廣東高明人進士萬歷間知東明縣擊鋤

倚民知務本歲旱徒跣走百里剪髮瓜為文投
河伯請以身禱祭畢而雲返途而雨民歌詠之

趙一鶴 長洲舉人萬歷間知大名縣衛水泛溢壩

口梅家口為害最烈一鶴欲併塞之而二
地屬鄰邑有異議一鶴以去就爭之竟以調
行士民呼號河許車不得行一鶴曰衛有民吾

無官何悲耶士
論至今惜之

章正法 號孟山臨川人進士萬歷間知魏縣清明

部卒於京魏人
聞之如喪所生

奎時相

湖廣沅州人進士萬歷十九年知大名府興舉廢墜命所屬增建常平倉儲穀備賑

張曄

濱州人進士萬歷間知元城縣蒞政精明要勢勿撓也歲歉賑濟有法自奉至菲每對賓僚仰天誓曰不肖不敢以一錢累子孫

蔡時鼎

漳浦人進士萬歷間知元城時值均田立法周密可垂永久有慈神之頌徵為御史

陳所行

江西武鄉人進士萬歷間知大名府敦崇文治修葺天雄書院拔十二學之雋列屋

王圻

上海人進士萬歷間以御史謫知曹縣尋陞知開州首變兩稅為四季條鞭至冬季積前三季所餘者省一

潘士閻

宜春人進士天啟二年知清豐縣釐革弊政郡吏肅然操持廉潔於民纖芥無取

方大鎮

萬歷己丑進士初授大名府推官賑貧寒活疑獄百三十人後仕至大理寺卿擢刑

宋應亨

萊陽人進士天啟六年知清豐縣才識明裕案牘無留滯暇則論文課士親次其甲

孫鵬

鳳翔人進士崇禎間知東明縣廉明有幹畧時多盜白日殺人無忌鵬單騎至其穴諭以威福渠盜感泣就撫葺屋以寧

許讚

大名府推官以明法舉職有夜殺人者取其首去比曉劉姓負薪於途拾其刃置薪上邏者執之遂誣服讚獨疑之曰豈有手刃人而猶露其刃者乃榜市曰劉某殺人已服罪有能得其首者賞乃得

鞠珍

字廷玉南樂縣主簿常祿之外一無濡染諂部考績自陳老不能任職乞歸冢宰王

公嘆曰吾有愧乎爾矣

本朝

季

璜 會稽人順治二年任大名府同知精明廉介人有鑄金為古硯餽者璜書其上云古硯古硯為何相見名石非石滋我顏汗送入覺宮用修聖殿後以註誤去民思之留其子霑即

家焉

張

夔 桐城人由平山知縣調固安再調清苑縣俱有廉能聲擢補漳河同知疏濬得宜河無泛溢之患以勞卒官民立碑頌德

范明德

壽州舉人康熙六年任大名府通判風裁峻整治獄不阿上官意督府幕士某犯罪明德懲治之其人膚慙於上明德曰某守法吏使今以上官撓法豈憲臺意耶督府領之卒於官貧不能殮士民悼焉

劉金柱

定興人前明丙子以諸生隨大兵而東教授旗下順治二年守開州陞吉安府知府

金逆叛不屈死事聞奉

旨贈卹

方元啟

開化人順治辛丑進士知南樂縣先是民苦賠累荒蕪逃亡者眾元啟至會編審豁免逃亡丁銀六百九十餘兩多方招徠給以牛種農具蒿萊盡闢增戶口萬六千有奇歲荒設廠施粥復建義倉捐穀千石推陳易新以經久遠尋擢戶部主事

高文鑑

江陵人進士順治十八年知清豐縣免雜派歲省數千金訟繫者立為剖決不責贖

王

煇 霍邱人康熙二年以舉人知元城縣性端介動中矩獲愛士民若子禁除雜派邑人之德

程正性

四川萬縣貢生任開州州府同建學宮捐俸以資貧士膏火歷陞永寧府同知卒於官

魏

鎬

南樂人以武舉任大名道旂鼓守備駐防本邑土寇竊發領兵勦捕陷陣死本道設

祭給匾曰精忠貫日

宣化府

漢

郝

賢

武帝時為上谷太守四從大將軍青出塞封終利侯

劉

茂

太原晉陽人哀帝時舉孝廉為上谷沮陽令沮陽故邊邑俗習尚武茂因其勢治之

威惠並行吏民畏服

景

丹

字孫卿馮翊櫟陽人王莽時為朔調連率副貳更始立遣使狗上谷丹與耿况降王

郎起丹與况子弁及寇恂等將兵南歸世祖世祖引見笑曰何意一郡良為吾來方與士大夫

共此功名耳拜丹偏將軍

王

霸

字元伯潁州人光武起兵霸率賓客上謁願充行伍光武曰夢想賢士共成功業豈

有二哉王郎反光武南馳至滹沱河候吏還曰河水流澌無船不可渡使霸往視之霸還詭曰冰堅可渡比至河河水合渡未畢數騎而冰解光武詔官屬曰王霸權以濟世始天瑞也光武

即位拜偏將軍上谷太守

晉

劉亢渥

中山人仕慕容垂為廣寧太守魏主珪命王建將兵攻燕上谷太守慕容麟棄城走

亢渥曰不死封疆豈得為人臣耶率兵禦之力戰死

遼

高

竑

渤海人以蔭官奉聖州錄事廉介自持事至即析鮮有疑滯州人愛服焉

金

張亨

大興灤陰人皇統六年進士授礮山縣丞以廉幹聞後遷弘州判每事持大體畧苛

細州人愛之

粘割貞

西南路招討同人大定二十八年進士歷教授主簿用薦舉除德興府治中宣德州

刺史廉明剛毅吏民畏愛

張特立

東明人泰和中宣德州司候州多國威號難治特立律之以法合境肅然

元

閻完

陝西人延祐三年授礮山簿遷龍門尹敦尚教化民有父子兄弟相訟者諄切開諭

往往涕泣而去大軍過縣抄掠帥不為禁完泣語帥曰尹不能供軍又不能撫民請受軍法帥

為引咎以謝民

趙致安

中山人至正五年守雲州輕徭役均賦稅減刑獄招流亡戢盜賊民咸安之歲大旱

明

禱於神即雨人謂為牧守雨及代民詣闕請留不報乃涕泣以還

劉璟

誠意伯基仲子也為谷王府長史拓城垣築壇社安輯軍校謀畫精勤成祖靖難璟

不受官下詔獄自經死

楊賓

洪熙元年知延慶州事飭州治建學校以才能陞蘇州府同知

谷春

京兆人知監與指揮使孫剛同守水寧正統十四年敵陷獨石馬營剛力戰死春

方率所部來援聞之奮曰人孰無死死沙場乃為忠義鬼吾從剛地下矣遂自縊死事聞贈祭

如剛例剛宣府鎮前衛人另載忠節

周賢

宣府人開平參將景泰五年陝西有警詔賢率所部援之戰歿予贈廕詳見忠節

胡璉

景泰初任延慶州時驚潰之餘民始復業璉修城池以捍外患建倉庫以廣儲蓄士

民悅服

李 甌

成化初任延慶州廉能節愛興學勸農修舉廢墜民不知勞

張夢輔

成化中知延慶州令行禁止民無敢慢敬賢課士廉謹自持

初 賢

正德中知延慶州重學校敦士風慎名節撫民以仁馭吏以威陞安慶府同知

郭 都

遼陽人以都指揮充副總兵協守宣府嘉靖癸丑蒙古由張家口入攻保安都率兵

二千餘相值敵四面圍之勢不支都厲聲曰第直前不死即回無生理也與千戶王國身先士卒血戰士卒半以死傷都與國畧無憚色各中

矢被刃死事聞褒贈如例國宣府人另載忠節

劉 海

開平人嘉靖初為馬營叅將遇敵奮擊與旗牌官張宣俱死之事聞予贈廕仍肖像

褒忠祠詳見忠節

關 山

大同人以都指揮充葛峪叅將嘉靖六年敵六萬騎入葛峪山所部不滿千人直前

突戰敵合圍數十重矢發如雨會風霾大作天地冥晦兩軍混戰一晝夜援兵不至山身被數鎗而死然所殺傷敵亦過當事聞贈廕

李光啟

陝西人為葛峪叅將值敵數十騎突入光啟率所部兵疾馳禦之未及為陣敵大至

部兵多戰歿光啟力竭被執給敵曰我為帥引我亭障下當有贖者敵信之遂執光啟至光啟

大呼曰我不能死恐國人疑我降負辱國罪爾等其目擊我死敵怒支解之事聞贈廕立祠

董 賜

宣府前衛人嘉靖中為宣鎮遊擊

李 斌

廣昌人嘉靖中任宣府遊擊吉囊入寇率所部禦之戰死事聞予贈廕詳見忠節

劉 傳

蔚州人嘉靖中守備赤城敵犯馬營傳車所部百餘騎赴援被圍力戰中攢矢死詔

褒卹邑人建祠肖像祀之事詳忠節

賀 溱

山西臨汾舉人嘉靖四十三年任保安州改修磚城惠政及民民為生祠祀之

劉汝登

蒲州舉人嘉靖末從口北通判調東路會計出納登籍詳明督府巡歷懷城槩問錢糧大數汝登抗言無弊督撫嫌其戇直下之獄商民軍士涕泣擁訴居數日勾籍簿記見其纖悉無遺絕無侵冒可指遂賢而釋之

稽巔

萊陽歲貢隆慶元年任保安州性嚴明教民淤田種稻至今為美利云

劉必紹

文登人以恩貢除東路通判委署保安州事會計暇則聽斷才識敏練案無留滯軍民感頌之考滿州民籲留以同知管州事復任三年轉陝西平涼同知百姓復詣闕請留部議以新銜久任

杜齊名

河南南召人以選貢授東路判軍餉出納纖悉不苟上官以其廉能委任城墉墩堡橋梁水利諸大工齊名必躬親營度而後分任課其成功政不苟細民無淹獄軍民安之尋陞兩淮運副百姓攀留命以新銜仍舊職

屈可賢

陝西舉人萬曆末任西路通判有遺愛於民至今感頌

張承憲

龍門所人天啓初任獨石叅將黃台吉人掠力戰死事聞賜祭廕勅祀褒忠祠詳見

忠節

范志懋

河南虞城舉人崇禎十五年理宣鎮屯牧每朔望詣鄉約所口自講說聽者感悅著弟經十八篇行世以疾卒於官無子媵妾亦絕食死俱藁葬廣昌士民哀之

蘭民孚

陝西人歲貢崇禎中任南路通判有善政吏民德之

李師聖

雲南人崇禎中由舉人任宣府理刑致仕客居保安甲戌城破全家盡節事聞予贈

廕建祠南關祀之

徐國泰

崇禎時任保安州守備甲戌城破奮勇血戰以兵盡力竭觸石死

閔生斗

保安知州明末遇亂殉節死州人祀之祀功祠

本朝

陸濬睿 字以愚平湖舉人順治中任宣府推官宣

為古上谷地素稱難治前官皆用法繩之

睿獨以寬察重囚鞏加世段大康性全等之

冤出之獄甄拔雋彥塞外士習為之振起

方 畿 字奕于桐城人拔貢生順治中任河間府

有疑獄數年不決者一訊即服畿工詩

政暇則登山嘯咏後遷漢中府同知

陳天棟 永嘉人任西寧管糧通判庚申歲歉民飢

異以艱去民思之 立遺愛碑祀名宦

汪天柄 錢塘人以通判改知西寧縣邑有土可煎

福為民病且三十年天柄設法詳請公私

便之性耿介不畏強禦民賴以安祀名宦

周德榮 奉天人知宣化縣當改衛為縣之初官署

倉廩創造補葺多著勞績築護城堤壩詳

革門面稅銀民 尤戴德祀名宦

冉 德 廣元舉人吳三桂叛逆劫其父強以官德

有惠政士 民愛之

易州

唐

姜師度 魏州人神龍初為易州刺史循魏武故迹

田 琬 字正勤青州人開元中除易州判

史剛不為虐簡而能斷州人德之

耶律頗的 字撒版清寧初知易州

去官部民請留許之

蕭陽阿 字稍隱乾統初為易州刺史為幸臣譖去

名宦

使察

蕭

文

字國華壽隆末知易州所部高陽土沃民富吏其邑者每黷於貨文至悉去舊弊務農桑崇禮教民勒石頌之

元

王

雲

字從龍東原人至正初守易州政平訟息民立碑頌德

明

李

某

河南太康人縣志失名建文時任廣昌令靖難兵至守義不屈墜城死妻亦自經遺子秉直方幼上屯里老張真匿為已子宣德間復姓遂入籍廣昌為縣中望族

張友聞

洪熙時為易州判以冗員當去適他判官督馬政者以親喪去部民言友聞廉幹乞即留督馬政從之政績益著

羅

綺

字憲章羅山人成化中知易州奏減柴炭夫十之五改編驛遞夫馬以便民修葺文廟作養士類

戴

敏

婺源人宏治間知易州值歲旱為修文廟名窮民數百食而傭之時邊患甚棘修飭武備民倚以安

王

勳

湯陰人宏治間知涑水清介勤敏陞兗州判民遮道哭擁至不能行黃岡舉人萬歷時知易州三值大荒親賑饑民存活數十萬礦使橫虐力抗被謫梓潼人萬歷時令涑水立水種法教民樹藝有祠祀之

柳白卿

劉克勤

莊浪歲貢前任治水有功陞廣昌令驛遞疲累丁重差煩克勤竭力與革立驛廠買驛馬官為喂養而民始得蘇

姜應麟

為戶科給事中萬歷中封鄭氏為貴妃應麟與吏部員外沈璟疏乞收回成命忤旨

謫應麟廣昌典
史璟亦調外

傅好禮

固始進士為太常寺少卿萬歷中上言近郊假官抽稅不報越三日好禮伏文華門

求面對上怒降廣
昌典史卒於官

本朝

沈志禮

山陰人以恩廕知易州明敏有威訟獄立剖丁未大雨水門塞屋竈俱沉志禮晝夜

竭力疏導得宜民賴全活捐修棠陰書院
置義田以資士子膏火州人立碑頌德

冀州

漢

任

光

字伯卿南陽人更始至洛以光為信都太守王郎反郡國皆降光獨厲兵固守廷掾持王郎檄白光斬之光武聞信都獨為漢守馳赴之光開門迎謁拜左人將軍領信都太守

光乃多作檄文傳告
旬日之間兵眾大盛

李忠

字仲都東萊黃人與任光同迎光武拜右大將軍王郎破信都收太守宗廣及忠母妻更始遣將復拔信都忠家屬得全
光武因使忠還行太守事多惠政

南北朝

高忱

渤海人高允子以父任除長樂太守為政寬惠民庶安之

唐

李興公

貞觀年任冀州刺史振舉廢墜尤重水利嘗開葛榮陂引趙昭渠水以注之民受其利

羊元珪

載初中為衡水令引漳水北流貫城注隍及去民思之因名為羊令渠

裴子餘

絳州人六世祖叔業為後魏冀州刺史父守貞為冀州司馬子餘復刺冀州三世皆

有惠政冀人思之

宋

劉

摯

東光人嘉祐中擢科甲授南宮令縣賦甚重輸絹一疋折錢五百綿一兩折錢三十民多破產摯請裁以中價三司使包拯奏從其議自是絹錢二百綿十有六民歡呼曰劉長官活我去之日民為立祠

李

冲

嘉祐中知信都有善政與南宮令劉摯清河令黃莘皆以治行聞時稱河朔三令

魯有開

宗道子神宗時知冀州議增築隄防人謂無水何勞役為有開曰當備未然卒成之明年河決水不能災

李彌遜

吳縣人宣和末知冀州金人犯河朔彌遜捐金帛致勇士擊其遊騎斬首甚眾兀木戒師母犯其城

元

閻

閻

高昌人至正初為南宮縣達魯花赤字民擊強政體明肅陞任去民為立去思碑

明

楊

繩

洪武初知南宮兵燹之後荆棘彌野繩督民墾治荒地時使者巡縣履畝徵稅繩諭民曰墾田雖多慎無具報寧我得罪勿貽民子孫累也

齊仕坤

四川遂寧人洪武中知新河縣寬仁愛民政清事簡以老致仕賜半俸優養於家

楊

琛

蒲州人正統年任棗強典史公平廉謹民愛之保陞本縣丞食知縣俸卒於官

楊

儼

壽州人景泰年知衡水潔已愛民嘗開南田以殺郎子橋水招集流移戶口倍增有循吏稱

劉

鎰

羅山人成化中知南宮時畿內大水邑舊有堤有司不戒水由南門入民居學校悉

湮鎰循行四周酌地勢新建新城學宮倉署壇壝闡闡肇造無遺而民不知勞及去民祠祀之

李德美

莆田人成化時進士知冀州脩廢舉墜勸善興學州政為之改觀壬寅大水城不沒

者三版德美鳩丁築堤禦之城以保全

成文

文水人正德元年由進士知武邑律已公廉約法嚴整政績茂著境內輯和歷官都

御史

段豸

澤州人正德辛未由給事中出知棗強縣城濬池脩時畿內盜起城且圯無戍卒豸

乃築葺樓櫓措甫定賊涉河薄城下豸親桴鼓賊兵三進三却殺三百餘人賊怒攻圍

急城陷豸身中箭鎗曠目攘臂連呼殺賊赴死三日典膳姚杞收其屍事聞贈太僕卿蔭

錦衣百戶

鞏思容

東平州人嘉靖初知南宮善折疑獄有鄉民懷金夜歸恐為人劫埋道旁塚中歸語

其妻明日發之不得遂訴於縣思容曰汝歸何見其人曰止語其妻餘無見也思容笑且罵曰

痴夫而妻為私而不知乎繫其妻至一訊即服

高知彰

海豐人崇禎進士初知南宮縣廉惠敏幹歲大旱知彰步禱輒應積年疑獄片言折

之革耗羨清驛蠹崇學校時有室則四壁心則皎日條然清逸邑肥貌瘠之頌後調知正定縣

歸濟南寇亂殉節死

彭士弘

錦州人崇禎末以舉人知南宮值兵火後加意撫循與民休息十七年流寇陷城抗

節不屈死邑民立祠祀之

崔賢

代州人崇禎末知新河縣甫一月而寇逼城竭力固守城陷死之

本朝

後補通志

卷之二十一

名宦

三

張恒 臨晉人由恩貢順治二年知衡水縣兵燹之後土寇猖獗恒加意息民裁革夙弊措處有方後陞東昌府同知卒士民建祠祀之

趙州

魏

崔楷

安平人孝昌初為殷州刺史性嚴峻不為進退計時葛榮反逼城楷遣一幼子及一女夜出以避之既而悔曰人必謂我虧忠而全愛也遂追還賊至將士爭奮曰崔公尚不惜百口吾屬何愛一身莫不悉力拒戰及城陷楷闔門死之

唐

高叡

萬年人為通義令歷趙州刺史嗣聖十五年敵騎入寇叡撥城拒賊攻益急有為叡計者曰敵騎鋒銳所向無完城不如且下之叡曰吾為刺史不戰而降罪莫大焉既而城陷叡

自經不及死而被執協使諭降諸縣不從遂遇害武后聞而嘉嘆賜諡曰節

李懷仁

狄道人永徽間以宗室子弟授朝議郎行慶陶令為政先學校急耕桑界內有麥秀

八岐之瑞

程處默

貞元間為寧晉令以地斥鹵城西南有新渠引河水入城溉田用豐滋民食乃甘

康日知

靈州人少事李惟岳累擢趙州刺史惟岳叛日知與別駕李濯及部將百人揮血共盟誓不從賊惟岳怒遣先鋒王武俊攻之日知使客謝武俊曰賊孱甚安足共安危哉吾城固士和未可卒下又給為使者齎詔諭武俊武俊悟斬惟岳以獻德宗美其功

宋

侯蒙

高密人徽宗時知栢鄉轉運使黃湜聞其罪而無可指始以賓禮見曰公真能吏也率諸使合薦之

金

吳微

平郭人承安二年知寧晉縣涖政明果有以牛訟者訊得其情牛亦伏膝由是百姓

敬若神明

元

馮安

栢鄉人世祖時史天澤開府正定授安本縣令安集流亡開倉賑給全活甚衆

齊謙

幽都人至元間知趙州每旦署事日昃方退歲荒艱食者衆請於朝發公帑以賑之

臨城地磽民貧捐業而亡者累見戶代輸建言於府免之解綬日士民持金幣充路謙辭不受

溫迪罕完

蓋州人至元中知趙州州當子午要途所費不貲完從容辦集民不爲擾采地

八百畝佃者輸租畝三斗丙子秋旱完惻然除之

李而罕忽里

畏吾人至元末在寧晉縣達魯花赤旱蝗躬親祈捕歲不爲災經過軍旅

恣爲不道執之繩以國法士民感戴

丑問忠翊

順帝元統初知栢鄉察民瘼省風俗採弊興利卹月之間風行俗化

宋明善

內邱人至正初由國史從事知高邑遠則乘馬近則策杖遍歷耕桑之地勸課之且

出夕歸孜孜不懈聽訟以公嘗曰吾旣不能如聖人使無訟忍枉其是非耶囹圄屢空門無干

謁尤爲邑人所稱

劉榮祖

趙人至正間知隆平時滹沱脩堤檄出役夫芻費榮祖以境小有災訴府得免又以

積潦傷稼乞免稅秩滿邑民不忍其去

明

阮居仁

交趾人正統年知臨城性嚴明不尚浮華首以農事爲急子弟俊秀者俾入學宮蠲

差徭以風厲之公暇至明倫堂課文品其優劣上官聞其能相戒不遣役下縣

何濬

靈寶人天順間知趙州敷政仁惠不尚鞭笞歲飢賑濟有法民無流移權要侵民地疏於朝卒復民業新學校正士習歷任六年邑人感戴如父母引年家居趙人歲遣問餽及卒男女巷哭者三日

潘洪

南海人成化四年由東平移守趙州初州民多棄稼穡穡流離轉徙庠序頽敝洪籍其民數給牛種俾以時耕作新學宮設饌堂以異諸生會食公暇蒞學課其業脩城壕設社倉百廢俱興人多感之

陸愉

嘉定人成化年知寧晉時年飢抗章請蠲租或止之愉曰為人臣者豈不知為朝廷哉但我民疾苦切身倘更徵求則皆委溝壑矣當力言之雖咎弗辭竟得請民多全活

章忱

會稽人成化中進士授臨城知縣歲飢民多流散忱招徠撫綏給以籽種緩其征徭民接踵來歸久之旁邑流民願就編籍者數十戶城北有泥河忱築堤引水灌田又教民桔槔

之法邑由是有水利鄉鄙舊無醫藥忱檢方書脩藥餌施之所全活甚衆

徐以貞

長山人成化年由進士知寧晉為政明敏每事紛集頃刻即遣去任未甚以憂去邑民攀號不舍服闋縣士民請復任平徭薄賦勤恤民隱邑當滹沱之衝隄防有法民以奠居

張清

婺源人成化時知臨城廉明有惠遭歲凶民多流移邑舊積粟餘四萬斛清不待請開倉賑濟全活者數十萬民自外邑來附籍者八十餘戶

關瑜

滋陽人宏治三年由保安州判擢知隆平律身清慎處事詳密脩學校築城池招流移戢猾暴民戴之鏤石頌德

方榮

錢塘人宏治二十年由進士知寧晉凡增丁口一千八百有奇勸輸倉穀四萬六千餘石平反重獄五十八事以政績擢監察御史

高重光

大寧中衛人由貢生為栢鄉教諭以擊賊功擢知邱縣崇禎戊寅殉節死事見忠節

張純儒

新安人以恩貢為臨城訓導崇禎戊寅大兵破城殉節死詳見忠節

王端冕

趙州知州崇禎末流寇攻城率吏民死守城陷被執不屈縛諸樹射死

王之統

成安人由歲貢為趙州訓導值亂分守東門城城陷死之事見忠節

本朝

陶鼎鉉

遼東人順治九年知趙州性廉飭聽斷明決奸蠹惛服惠政及民陞鎮江知府士民

懷之祀
名宦

牟廷選

錦州人知柏鄉縣地當驛道使客經過有乾馬貼馬之錢借牌枉道之弊一切詳革

簿書錢穀皆不假手幕胥而才猷自裕
邑之南關有祠碑具載其事祀名宦

牟嘉蔭

遼東官監生康熙五年知高邑縣治邑七載修舉廢墜嚴明執法吏胥畏之祀名宦

薛所本

孟縣貢生康熙十三年知高邑縣清文地畝振興文教士民樂業後行取中書去祀

名宦

宋廣業

長洲人知臨城縣俗健訟有大猾俗稱一門五虎置之法民得安枕設義學育生儒

邑遇荒旱捐貲煮粥以活飢民纂輯邑志未竟以艱去後歷任山左卒刊刻成書康熙六十年

祀名宦

深州

南北朝

路去病

陽平人北齊神武勅用土人為縣宰以去病為饒陽令嚴毅廉平吏民畏服

唐

賈敦實

敦願弟高宗時為饒陽令政清靜吏民嘉美舊制大功之嫌不連官朝廷以其兄弟

治行相高不徙任以寵異之

宋

王

鼎

館陶人舉進士第慶曆中知深州王則以
貝州反深卒龐旦與其徒謀應之前一日
有告者鼎陰為之備翌日會僚吏置酒如常叛
黨愕不敢動捕首謀十八人送獄取桀驁者數
人斬於市
一郡帖然

張

旨

懷州人初徙安平尉嘗與賊戰流矢中臂
猶殺數十人後知安平勸富民輸粟以濟
飢者又浚渾河泄支流溉
田萬頃外築堤以備水患

竇

卞

曹州人熙寧時知深州滹沱河決流民自
冀至者踵相接卞發常平粟食之吏白擅
發必獲罪卞曰吾寧以身
活數萬人尋以請詔許之

明

耿福緣

四川人永樂初為安平縣丞廉能才幹撫
民有方以母憂去耆老赴闕請留勅吏部

記名比服闋民懇
請復任詔從之

蕭伯辰

江西清江人永樂初知深州十年七月霪
雨漳河滹沱泛溢力拒勿支城舍飄沒乃
徙民暨圖籍儲侍去州三十里地曰吳庄者芟
削榛蕪以棲止焉請於朝遂定厥居州之人去
卑洳而即爽
塏至今稱之

吳鳴鳳

松江人進士成化壬寅知武強濟弱鋤強
百廢俱舉調別縣卒柩過武強民號泣迎
送如喪父母至今稱
為武強良吏第一

徐

淮

武城人宏治十年知饒陽深悉民隱盡反
前政之不便者定戶口均徭役省刑敦化
惠及於民以
憂去民思之

王

翊

許州人正德三年知安平先是民多爭訟
邑弗能析愬之府檄勾稽無虛日翊隨
事剖析曲中其情民以不寃遂無愬府者鄰邑
求直亦往往乞下翊學廡頽敝次第脩葺邑有

社學久為人占翊復之河間正定神武三衛屯
舊在安平軍士不奉約束翊總甲以聯屬之梗
頑者繩以法辛未盜起督民兵誓死守
禦卒保其城擢知德州民遮道攀留

李鴻 陝西人正德六年知深州霸州賊起嘯聚
萬眾縱橫河北至州鴻率眾登城分僚屬

守四門躬自巡眺晝夜不寐
賊知不可克宏去一郡獲全

仇相 淄川人正德八年知饒陽甫下車即詢民
疾苦覈貧富差等登諸籍凡徵發按籍行

之靡不適均復業者百餘
戶歷官九年境內大治

李守真 沁源人萬歷中知饒陽縣滹沱時決守真
創議環城築大堤以障禦復繞堤植柳根

蟠土固永
久賴之

孔聞校 崇禎初知安平寇亂
殉難邑人立祠祀之

吳恂 安平人深州訓導崇禎戊寅 大
兵臨城殉節死贈侍講詳見忠節

劉名言 唐縣人由歲貢任深州訓導
崇禎壬午城陷死之見忠節

熊國俊 崇禎時任深州吏目癸未城破殉
節死州人哀之收葬於西關外

本朝

朱衣助 字文佑遼東人順治五年知深州時土寇
未靖披堅執銳為士卒先捍衛孤城撫循

黎庶士民德之歷任操
江為鄭兵所獲不屈死

李模 郊縣人明末闖賊開偽科取士士有不就
試者屠其家模不赴考為賊截其鼻耳順

治丁酉舉河南鄉試第一已亥成進士知武強
縣治尚清簡民安之政暇集諸生於衙齋相與

講課書藝一如布衣師弟陞部郎去士
民攀轅泣送康熙三十三年祀名宦

陳宗石 字子萬宜興人由監生為山西黎成縣縣
丞稱職擢知安平縣清廉慈惠才能著稱

吏民德之巡撫于成龍
特薦內擢主事祀名宦

定州

周

李

兌

治中山苦陘令上計而入多李兌曰語言辨聽之說不度於義謂之寃言無山林澤谷之利而入多者謂之寃貨君子不聽寃言不受寃貨子姑免矣

漢

馮

衍

字敬通杜陵人幼有奇才博通羣書王莽時多薦之者辭不肯仕光武以為曲陽令討平劇寇日食陳八事多所建白

南北朝

竇

瑗

字世珍遼陽人魏天平中除中山太守持守清白為吏民所懷齊獻武王班書州郡稱瑗政績以為勸厲焉

唐

薛

獻

貞觀初為定州刺史入覲太宗詔升殿親問之曰卿等在州何以敷教獻對曰老者存恤之少者勸戒之荒田漸闢生產漸盛禮義漸興此皆聖化所被非臣之力帝曰如卿所奏足稱循良朕所望於卿等者固如此耳

李

元軌

太宗子封霍王永徽初出為定州刺史突厥入寇元軌開門偃幟寇疑不敢入王文操者與賊戰敗二子鳳賢以身救父死縣抑不為言元軌廉知之遣使弔祭上其事詔贈鳳賢皆朝散大夫旌表其閭國令請貿易取羸答曰汝當正吾失反導吾以利耶

鄭

放

元宗擇刺史十一人放自太僕卿出刺定州詔宰相諸王祖於洛濱後以治最聞

宋

呂

端

幽州人太祖時通判定州清介雅重吏民咸服

龐籍

單州人仁宗時知定州為人清介高古綏輯軍民肅然不敢犯

吳元辰

太原人咸平初知定州時王超王繼忠將與遼戰元辰策其必敗急發兵護河橋既

而超等果敗遼人追至橋見陳兵甚盛遂引去績滿當遷吏民疏其善政十事請借留并樹碑

頌德

王素

華縣人仁宗時知定州政術寬大事不便民每亟改之吏民愛悅

蔡抗

宗城人英宗時知定州帝指其去日第行且名卿矣郡兵番戍家室留營多不謹夫

歸輒首原抗下令悉按以法

孫長卿

揚州人熙寧初知定州性廉潔當得園利八十萬悉歸之公當時稱為廉吏

薛向

萬全人熙寧四年加樞密直學士知定州政多惠愛以新河源之小久為民患擇可

灌溉者疏為水田患息而利興民立石紀之

滕元發

東陽人神宗時知定州會歲旱求言元發疏新法害民者上之徙知正定境內凜然

王巖叟

大名入神宗時知安喜縣有法吏導人為訟巖叟捕撻於市眾皆竦然呂公著歎曰

此古良吏也有詔舉御史舉者意屬巖叟或謂可以往見巖叟笑曰是呈身御史也後劉摯薦

為監察御史

許安石

元祐中為深澤令脩理學校民被其化元豐時澤水灌城范治之有方城賴以全

黃實

陳州人元豐中知定州朝旨籍民兵旁郡因緣擾民實懷檄不下除利害請之事得

寢民德之

蘇軾

哲宗時以學士出知定州時軍政廢弛營舍頽壞軾乃脩營房禁戲博勒戰陣眾畏

服之及春大閱事遵舊典副總管王光祖自謂老將不至軾劾其罪子遇判定州亦有聲譽人

以為世德云

劉奉世

臨江人紹聖初知定州邢恕搆誣貶隰州

韓忠彥

琦子紹聖三年以學士知正定府移定州人望而喜曰吾資政子也我曹得所矣忠彥推行又法視民如傷遷尚書左僕射

金

不木魯端仁

遼城人大定中為曲陽令脩孔廟繕城池置觀稼亭疏靈河之塞時嘉禾

產於靈河之涯士民頌為德政所致

劉仲洙

宛平人大定中令深澤治滹沱河水有功後遷祁州刺史詳人物

元

閻玉

行唐人中統間曲陽令春行省耕馬嚙民桑計值償之螟災虔禱於神信宿螟死尋改高陽名益振至元中改藁城以疾卒三邑民為立遺愛碑

史

樞天安子知中樞山清廉有聲

元

毛景謙

至順間由翰林尹深澤興崇學校摧豪破奸吏民信服立石頌之

崔讓

字謙甫至正間知深澤不事刑威專尚德化興利除害崇儉抑奢民懷其德

元思明

字顯卿隆平人至正間判深澤好賢下士均賦平徭人多思之

邱難公

烏孫人為深澤達魯花赤奉親至孝律已甚廉興養學士勸課農桑一邑大治

張翼

字飛卿欒城人任深澤主簿為政以德不以刑有事役民以身率先民畏服之

明

平安

洪武末帥守定州築城池脩器械練將士屹然稱雄鎮靖難兵起安督兵禦之白溝河大戰數十陣成祖親至安戰益力馬蹙被執欲用之安曰有死而已成祖曰我家養士止得

三人若平安者其一也金陵破飲藥死

高文 劉陽人永樂時為深澤典史廉而能惠宣德初知縣闕官民走闕下請即用之詔從

文累著 治績

耿裕 盧氏人天順末以翰林院檢討出判定州清慎公勤不以升沉易節於民事尤盡心

三載復舊職歷 官吏部尚書

劉竑 常熟人成化間知定州境內飛蝗遍野竑往捕之蝗遂徙去民間失火嘗往救之仰

天自責須臾火滅凡遇旱禱雨 輒應三年以憂去人咸思之

喬良 沂水人成化四年知曲陽有廉幹聲嘗出郊勸農民以梁飯餉亦不辭至肉菓則拒

之遇荒撫字安集民無散亡 去之日民悲泣如失父母

倪璣 雁門人進士由給事中謫知定州練於政事世宗入繼 璿定州見其庶務具舉心

善之書可矣二字於屏璣因以名其 堂嘗作州志論者以為得紀事體

鮑獻書 進士知曲陽有惠政邑人立祠祀之

韓希龍 安陽人知定州萬歷元年清丈守令多從苟簡希龍以定境內有忠順田土釐五衛

屯易於影射乃親歷原隰析為各邱詳 注於冊奸豪計無所售至今遵為定式

陳來朝 河內人萬歷時令深澤徵糧聽訟庭無冗役戶鮮雜差築堤障水栽柳護堤新文廟

立社學建養濟院置 漏澤園具有善政

唐 鏞 睢州人崇禎間知定州殉難贈布政司右叅議

本朝

符渭英 金壇人順治進士知深澤縣水旱之後流亡頗多渭英招徠撫綏民漸復業建橋梁

整驛遞除鹽規脩學課士在任五 年民親之如父母陞大理寺評事

許來音

福建人順治進士知深澤縣民間苦養馬及上供狐皮力請改革性安儉素為政寬

猛得中縣南北漳濱二水歲苦漂沒相度脩築水不為災康熙四十一年祀名宦

王

渠

江南人知曲陽縣設義學以振文風濬河渠以益水利輕徭清賦息訟安民民愛戴

之以賢能調任清苑令康熙四十七年祀名宦

畿輔通志卷之七十

畿輔通志卷之七十一

人物

粵稽黃帝堯舜竝都幽冀商周之際夷齊抗節為百世師厥後箕子之封其治在今永平而召公德教被於全燕者復數百年故其間川嶽神氣之所蘊蒸聖賢流風之所感發傑出之材每應時而生自春秋以前賢哲令德表著春秋內外傳及籍於孔氏之門者尚矣戰國秦漢間洙泗之緒不絕如綫而荀卿為能守正及漢之興董生續焉一時傳經老師有若毛萇韓嬰貫公二戴竝出於燕趙及

晉車通志 卷之十一
北宋而堯夫邵氏乃與周程張朱五子同稱其他
佐命之臣有若隋之高潁唐之魏徵宋之趙普曹
彬元之劉秉忠史天澤忠良之臣有若漢之汲黯
盧植晉之祖逖劉琨唐之宋璟宋之李沆劉安世
明之趙南星楊繼盛志節之士有若唐之劉蕡元
之劉因

國朝之孫奇逢將帥之才有若周之樂毅廉頗漢之
趙雲張飛唐之李光弼至于文字之興肇自蒼頡
今文之變始於次仲孔穎達之勤經李習之之屬
文大都產今畿輔之地如此人者其功德道術震

耀古今人知其名家傳其事又其次則事蹟列於
史氏好古博聞之士能識之又其次則孝義廉介
著於鄉閭數千百年之中猶有聞焉材有大小志
有廣狹遇有污隆行有顯晦春秋之義善善也長
故雖一行可錄亦得以次相附列女方術則別著
焉自元以前皆取諸國史蓋非名跡顯著末由登
於冊書自明以後所據惟郡州縣志其或用勢利
聲援以蒙有司而冒入焉時異地隔欲加薙芟則
無以辨其僞真故姑仍其舊然其土之人不可欺
也苟所稱之不實將指其行迹以詬厲焉故具列

所以俾有司及為人子孫而務虛美其祖父者皆有警云

先哲

上古

倉

黃帝時史官生而神聖有四目觀鳥跡蟲文始制文字以代結繩之政今大名府南樂縣西南三十五里有倉史造書臺

商

伯夷叔齊

孤竹君之二子孤竹君姓墨胎殷湯所封伯夷之父名初字子朝伯夷名之字

周

公信叔齊名致字公達夷齊其謚也事詳史記

蘧

字伯玉衛大夫孔子曰外寬而內直自於隱括之中直已而不直人汲汲於人以

善自終蓋蘧伯玉之行也

端木賜

字子貢衛人孔子弟子喜揚人之美不能匿人之過常相魯衛好廢舉家累千金卒

終於齊

卜

字子夏衛人孔子弟子以文學著名好論精微時人無以向之嘗返衛見讀史者云

晉師伐秦三豕渡河子夏曰非也已亥耳讀史者問諸晉史果曰已亥於是衛以子夏為聖孔子卒後居西河教

授為魏文侯師

琴

字子開一字子張孔子弟子又孔子弟子曰公孫寵字子石奚容箴字子皙句井疆

字子疆廉潔字庸皆衛人

名臣

順天府

周

郭

隗 燕人昭王卑禮厚幣以招賢者隗曰王必欲致士請自隗始昭王遂改築宮師事之

於是樂毅自魏往鄒衍自齊往劇辛自趙往上爭趨燕

蔡

澤 燕人戰國時引辨智士嘗入秦說應侯應侯因是謝病昭王召見與語大悅拜客卿

尋為丞相 號剛成君

漢

蒯

徹 一名通范陽人楚漢初起武臣略定趙地徹說范陽令徐公徐公具車馬遣徹說武

臣以侯印迎徐公燕趙聞之降者三十餘城徹又說韓信襲歷下軍定齊地後說信背漢不聽

徹恐乃陽狂為巫信謀反被誅語連徹高帝召徹欲烹之以辨得免至齊悼惠王時曹參為相

禮下賢人請徹為客徹論集戰國時說士權變亦自序其說凡八十一首號曰雋永

韓延壽

字長公燕人父義為燕郎中刺王謀逆義諫而死昭帝時魏相言宜賞其子以明人

臣之義遂擢延壽為諫議大夫遷淮陽太守治甚有名徙潁川教民禮讓議定嫁娶喪祭儀品

畧依古禮不得過法百姓遵用其教數年徙為東郡太守延壽為吏上禮義好古教化所至必

聘其賢士以禮待用廣謀議納諫諍在東郡三載令行禁止為天下最入守左馮翊恩信周洽

吏民不忍欺 給詳名宦

蓋

延 字巨卿漁陽要陽人王郎起延與吳漢同歸光武拜偏將軍從平河北光武即位拜

虎牙將軍封安平侯凡攻討所向皆捷增封邑食萬戶

王

梁 字君嚴要陽人與蓋延吳漢俱從光武拜偏將軍拔邯鄲賜爵關內侯世祖即位擢

大司空封武疆侯擊赤眉有功破龐萌等尤力拜山陽太守數月為河南尹又為濟南太守封

阜成侯

陽

球

字方正漁陽泉州人舉孝廉補尚書侍郎
章奏處議常為臺閣所崇信拜九江太守
遷平原相後拜尚書令時中常侍王甫曹節等
弄權煽動內外球撫髀發憤曰若陽球作司隸
此曹安得容乎會遷司隸校尉奏收甫及太尉
段熲等悉送洛陽獄球自臨考甫父子俱死杖
下熲亦自殺復欲以次表曹

盧

植

字子幹涿郡涿人身長八尺二寸音聲如
鐘性剛毅有大節建寧中徵為博士累遷
尚書黃中賊起拜北中郎將連戰破賊何進謀
誅中官召董卓植固止之進不從卓至議廢立
植抗議不從卓怒將誅之議郎彭伯曰盧尚書
海內大儒人之望也卓乃止免植官遂隱於上
谷

三國漢

張

飛

字翼德涿郡人專昭烈帝拜右將軍
遷車騎將軍封西鄉侯卒謚桓侯

簡

雍

字憲和涿郡人昭烈帝至荊州雍為從事
中郎勸取成都遂為說劉璋歸命後拜昭
德將軍雍性簡傲跌宕優游風議善滑稽諸葛
丞相已下則獨擅一榻項枕卧語無所為屈

魏

徐

邈

字景山薊人武帝平河朔召為丞相軍謀
椽正始初為司隸校尉百寮憚之後為光
祿大夫拜司空固
辭不受卒謚穆侯

盧

毓

字子家植之子也太祖時以論獄見知為
丞相法曹議令史文帝時拜吏部尚書作
考課法選舉先性行而後
言才累封容城侯謚曰成

田

豫

雍奴人仕魏為南陽太守以衛尉徵屢辭
不聽乃曰年高七十而居位譬猶鐘鳴漏
盡而夜行不休是
罪人也因稱疾焉

晉

張

華

字茂先范陽方城人晉武帝時拜黃門侍郎帝與羊祜潛謀伐吳惟華贊成其計吳平封廣武縣侯惠帝朝盡忠匡輔彌縫補闕進封廣武郡公為趙王倫所害華學業優博圖緯方技之書莫不群覽嘗徙居載書三十乘以自隨秘書監摯虞纂定官書皆資華本以取正焉齊王冏輔政復舊爵所著有博物志

盧

欽

字子若范陽涿人疏子世以儒業顯歷宰督沔北諸軍事平南將軍在鎮寬猛得宜入為尚書僕射領吏部舉必以才稱為廉平欽忠清高潔不營產業動循典禮所著詩賦論難數十篇嗣子浮官太子舍人

盧

志

字子道欽從子初為鄴城令成都王穎愛其才齊王冏起志勸穎旌賢任才以收時望穎以為諮議參軍王浚攻鄴志勸穎奉天子還洛陽志夜部分將士至曉眾皆成列程太妃

不欲去俄而眾潰志於陣間索得鹿車數乘遂啟帝還洛陽張方逼天子幸其壘惟志不離左右及穎薨官屬奔散志親自殯斂時人嘉之

南北朝梁

張弘策

字真簡范陽方城人梁文獻皇后從父弟也幼以孝聞與梁武帝年相輩幼見親狎建武末從武帝宿酒酣徙席星下語及時事即請定君臣之分後武帝平建鄴城遣弘策清宮封檢府庫申勒部曲秋毫無犯封泚陽侯子綱嗣爵綱弟纘綰俱博學

成景儁

字超范陽人父安樂景儁謀復仇以魏宿預城南入購人刺殺邕和并其家人子弟武帝義之後除北豫州刺史侵魏所向得功烈兼有政績吏人樹碑紀之

魏

皮豹子

漁陽人少有武畧魏太武時開府儀同三司進爵淮陽公督關中諸軍擊破宋將裴

方明于樂鄉累功除都督秦雍荆梁益五州諸軍事進號征西大將軍開府仇池又斬宋將青

陽顯伯破白水太守郭啟元前後屢立戰功擢為內都大官第八子懷喜擢侍御史假平西將

軍廣川公孝文以其父昔鎮仇池有威惠亦拜侍中都督開府仇池悉如父官懷喜申布恩信

邊人大悅相率歸附賜爵南康侯

李

訢

字元盛范陽人父崇北幽州刺史訢為中書學生太武幸中書學見而異之指謂從

臣曰此兒終効用於朕之子孫文成時為儀曹尚書領中秘書出為相州刺史上疏求立諸郡

學官政為諸州最加賜衣服遷司空

高

閭

字閭士漁陽人少為車子送租至平城修刺詣崔浩浩與語奇之使為謝中書監表

明日浩歷租車過駐馬呼閭諸車子皆驚由是知名為中書侍郎與中書令高允入參大政允

以閭文章富逸舉以自代承明初為中書令給事中委以機密文明皇后甚重閭詔令書檄皆出閭手宣武踐祚累表遜位授光祿大夫賜安車几杖百寮餞送如二疏故事

盧

元

字子真范陽人太武辟召天下儒雋以元為首授中書博士後賜爵固安侯子度世

字子遷為中書學生應選東宮學行為時流所重後以崔浩事棄官逃匿被赦出為中書侍郎

度世子淵字伯元溫雅寡欲有祖父風襲爵加秘書監本州大中正淵子道將字相業應襲父

爵以讓其弟再請許之道將涉歷經史風氣蹇諤有文才為一家之冠累遷燕郡太守下車表

樂毅霍原之墓卒贈太常卿道將次子懷仁字子友歷遷弘農郡守不之任居陳留與瑯琊王

衍隴西李壽之情好相得嘗云昔太邱道廣許邵知而不顧稽生峭立鐘會遇而絕言吾處於季孟之間去其太甚

盧義僖

字遠慶淵弟子早有學尚識度沉雅起家秘書郎歷大中大夫或勸其干謁當途義

僖曰學先王之道貴行先王之志何能苟求富貴也侍郎李神軌勢傾朝野求結婚姻義僖拒而不許普泰中官尚書驃騎大將軍左光祿大夫義僖性清儉不營財產雖居顯位每至困乏麥飯蔬食怡然甘之

麗

範

字世則范陽人太武時給事東宮文成踐祚賜爵永寧男為慕容白曜司馬及定三齊白曜皆用其謀遂表為青州刺史進爵為侯加冠軍將軍還為尚書丞後除平東將軍假范

公陽

北齊

平

鑒

字明達燕郡薊人初仕爾朱榮為襄州刺史神武起信都鑒棄州來歸文襄輔政遷懷州刺史時西魏來攻州城新築素乏水南門有一井隨汲即竭鑒具衣冠俯井而祝至旦泉湧合城取足以功進位開府儀同三司終都官尚書令

盧文偉

字休族范陽涿人少為鄉閭所敬年三十入始舉秀才除本州平北府長流參軍孝

昌中詔兼尚書郎中韓樓據薊城文偉屯守范陽與樓相抗乃以文偉行范陽郡事爾朱平樓

文偉以功封大夏縣男除范陽太守神武至信都文偉遣子懷道奉啓陳誠高祖嘉納之中興

初除安東將軍安州刺史天平末高祖以文偉行東雍州事文偉性輕財愛賓客善於撫接故

所在頗得人情文偉族人勇字季禮初與從兄景裕俱在學其叔同稱之曰白頭必以文通季

禮當以武達與吾門在二子也爾朱兆滅勇赴晉陽神武署為丞相主簿遷汝北太守行陝州

事屢敗西魏兵以功授儀同三司揚州刺史鎮宜陽武定二年卒

盧

潛

范陽涿人天保初除中書舍人清河王岳救江陵勅為行臺郎中還遷中書侍郎尋左遷魏郡丞司州別駕出為江州刺史所在有政績梁將王琳為陳兵所敗勅潛與琳為南討經畧潛輯諧內外甚得邊俗之和琳銳意圖南潛以為時事未可由是與琳有隙世祖追琳入

京除潛揚州刺史領行臺尚書潛在淮南十三年大樹風績為陳人所憚陳主與邊將書云盧潛猶在宜深備之其威望如此

周

寇

洛

上谷昌平人性明辨不拘小節正光末避地於并賀拔岳西征洛與之鄉里乃從入關屢戰有功累官右都督侯莫陳悅既害岳洛收集將士全眾而返大統初加開府進爵京兆郡公後與獨孤信復洛陽徙鎮東雍州卒配享太祖廟庭

盧

辯

字景宣范陽涿人少好學博通經史舉秀才為太學博士以大戴禮未有解詁辯乃註之兄景裕謂曰昔侍中註小戴今爾註大戴庶纂前修矣孝武帝入關事起倉猝辯不及至家單馬而從封范陽郡公自孝武西遷朝章制度皆令辯因時制宜悉合軌度性强記默契能斷大事凡所創制處之不疑累遷尚書令進位大將軍薨配食太祖廟庭

寇

儁

字祖儁上谷昌平人兄祖訓祖禮並有志行閨門雍睦白首同居儁累官梁州刺史大統五年入關拜秘書監後除車騎大將軍儀邁而志識未衰世宗尚儒重道特欽賞之與同席而坐因顧訪洛陽故事儁身長八尺鬚髮皓然容止端詳音韵清朗帝與之談論不覺屢為前膝及儁辭還以御輿令於帝前乘出顧謂左右曰如此之事惟積善者可以致之何止見重於今亦將傳之萬世時人咸以為榮

周惠達

字懷文文安人父信歷樂鄉平舒平成令為周文帝行臺尚書軍府司馬營造戎仗儲積倉糧簡閱士馬以濟軍國後拜中書令兼尚書右僕射與禮官損益舊章儀軌稍備惠達雖居顯職而謙退下人盡心勤公愛拔良士人皆敬而附之

隋

盧昌衡 字子均范陽人沉靜有才識開皇初拜尚

書祠部侍郎未幾出為徐州總管有能名

吏部尚書蘇威考之曰德為世

表行為士則論者以為美談

盧愷 字長仁范陽人父柔魏中書監愷性孝友

唐

功遷禮部大夫為聘陳使隋開皇初除尚書吏

部侍郎每敷奏侃然正色八年上親考百寮以

愷為

盧承慶 字子餘幽州涿人父赤松與高祖雅故終

率更令范陽郡公承慶博學多材少襲爵

累官民部侍郎太宗問歷代戶版承慶敘夏商

至周隋增損曲折引據詳該帝嗟賞後以金紫

光祿大夫致仕弟承業

張知蹇 字匪躬幽州方城人兄弟五人知元知晦

官尚書右丞有能名

武后中宗時皆為顯官知蹇歷十一州刺史所

蒞有威嚴後歷大理卿致仕性敏亮惡請謁勅

子孫經不明不得

舉家法可稱云

盧藏用 字子潛范陽人少隱終南少室二山長安

中授左拾遺武后作興泰宮於萬安山上

疏切諫歷官尚書右丞藏用善著龜九宮

術嘗以俗徇陰陽為折滯論以暢其方

太子賓客封靜戎郡王哥舒曜討李希烈利貞
 為前鋒次邠城賊眾大集利貞出奇兵五百橫
 擣其右賊不敢前希烈兵攻襄城利貞登陣捍
 守七十日未嘗節沐朱泚反利貞麾下從亂夜
 半難作利貞拔劍當軍門大呼曰欲過門者先
 殺我眾畏其勇乃止德宗嘉之擢汝州防禦使
 李景畧 良鄉人李懷光為朔方節度使辟署巡官
 懷光屯咸陽將襲東渭橋景畧勸懷光還
 軍詣行在懷光不聽景畧乃遁還轉豐州刺史
 回紇使梅錄入朝景畧折之梅錄不敢抗以父
 行呼景畧自此回紇使至者皆拜於庭威名顯
 聞遷左羽林將軍梅錄復入朝其眾爭坐景畧
 叱之梅錄識其聲驚曰 此非李豐州耶乃就坐

盧景亮

字長晦范陽人第進士宏辭授秘書郎遷
 右補闕朱泚反景亮勸德宗曰陛下罪已
 不至則感人不深帝然之與穆質同在諫爭地
 書數上鯁殺無所回景亮有經國志自軒項至
 於唐綴治道之要著書上下篇號三足記又作
 問答言輓運大較及陳西戎利害切指當世公

卿服其達
 古今云

盧

群

字載初系出范陽為兵部郎中淮西吳少
 誠決洧水灌田命群臨詰少誠曰是於人
 有利群曰臣道貴順專命廢順雖利何有少誠
 聽令以奉使稱職遷檢校秘書監後代姚南仲
 為鄭滑
 節度使

高崇文

其先自渤海徙幽州七世不異居開元中
 再表其闔崇文樸重寡言累官金吾將軍
 敗吐蕃於寧州劉闢反杜黃裳薦崇文統兵討
 之始崇文選兵五千嘗若寇至至是卯漏受命
 辰已出師器良械完無一不具與闢戰於鹿頭
 山八戰皆捷擒闢送京師成都珍貨如山無秋
 毫犯進檢校司空西川節度副大
 使南平郡王諡威武配享憲宗廟

高霞寓

幽州范陽人能讀春秋及兵法頗以氣槩
 自高從高崇文擊劉闢下鹿頭城降李文
 悅仇良輔等追戰七盤城有功擒闢於羊灌拜
 彭城刺史俄代崇文為長武城使封感義郡王

元和中以左威衛將軍隨吐突承璀討王承宗諸將多覆軍獨霞寓有功詔藏所獲鎧仗於神策庫以旌之

張仲武

范陽人會昌初為雄武節度習戎事性忠義遷檢校工部尚書以破回鶻功進兵部尚書詔李德裕撰紀功碑以告後世累官檢校司徒中書平章子直方左金吾衛大將軍黃巢犯京師直方迎灞上既而謀劫巢報天子公卿多依之賊覺夷其族

張允伸

字逢昌范陽人以都知兵馬為盧龍軍留後未幾為節度使累進檢校司徒兼太傅同中書門下平章事封燕國公性勤儉下所安賴未嘗有邊鄙虞卒贈太尉謚忠烈

劉

黃

字去華昌平人明春秋擢進士第大和二年應賢良方正對策痛斥宦官言極抗直考官嗟服而畏中官不敢取士人讀其詞至感慨流涕令狐楚牛僧孺皆表黃幕府授秘書郎以師禮禮之而宦官深嫉黃誣以罪貶柳州司戶參軍卒昭宗時以左拾遺羅隱言贈黃右諫

議大夫

五代

趙鳳

幽州人少以儒學知名仕唐莊宗為中書舍人翰林學士明宗時遷禮部侍郎奏論皆切時弊時有僧獻佛牙鳳請驗其真偽以斧破之應手而碎時宮中施物已數千因鳳碎之乃止天成中拜門下侍郎同平章事安重晦得罪鳳啟明宗言其盡忠罷為安國軍節度使

李承約

字德儉薊州人唐明宗時拜黔南節度承約以恩信撫諸夷落勸民農桑興起學校居數年當代黔南人詣京師乞留許留一年召為左衛上將軍晉天福二年卒贈太子太師

張希崇

字德峯薊州人少好學通左氏春秋唐明宗時拜靈武節度使靈州地接北邊戍兵餉道常苦抄掠希崇乃開屯田教士耕種軍以足食省轉饋撫養士卒回鶻瓜河皆遣使入貢居四歲上書求內地徙鎮邠寧晉高祖入立復拜靈武節度天福四年卒贈太師

盧導 字熙化范陽人唐明宗時拜右諫議大夫

馮道李愚集百官議出迎囑導草牋導曰勸進

之事豈可輕議若路王守節不回以忠義見責

將何以對不如詣宮門請太后進止潞王至止

正陽門外道又促導草牋導對如初李愚曰吾

輩罪人盧舍人言是也導終

不草牋後事晉為吏部侍郎

劉昫 涿州歸義人與兄矩弟皞皆以好學知名

時遷兵部侍郎尋同中書門下平章廢帝立遷

吏部尚書門下侍郎監修國史兼判三司昫性

察而疾三司蠹敝尤甚乃勾計文簿覈其虛實

殘租積負悉蠲除之民間懽然而三司皆怨之

及昫罷相三司吏懽呼相賀

呂琦 字輝山安次人美風儀重節概少遊學汾

殿學士備顧問多所裨益晉高祖鎮河東有二

志琦與李崧勸帝與契丹通和使強藩大鎮無

所引援可弭亂心帝聽薛文遇言議遂

寢其後晉高祖起太原果引契丹為助

劉審交 字求益文安人晉高祖時拜三司使議者

額而天下比年無開田民之苦樂不可等也遂

止不檢民賴以不擾遷陳州防禦使見民耕器

薄陋乃取河北耕器為範為民更鑄徙襄州青

州皆有善政隱帝時為汝州防禦使卒詔贈太

尉起祠立碑

竇禹鈞 勳州漁陽人與弟禹錫皆以詞學名唐天

祐末禹鈞為幽州椽周初為戶部郎中歷

遷右諫議大夫義風家法為一時標表子儀儼

等相繼登科馮道贈詩有靈椿一株老丹桂五

枝芳之句嘗建書院四十間聚書數

千卷遠方學者日至登貴仕者接踵

張藏英 范陽人唐末舉族為賊孫居道所害藏英

年十七僅以身免居道避地關南藏英乃

求為關南都巡檢使微服攜鐵搗匿居道舍側

官首服官為上請而釋之燕薊間目為報讐張
孝子率所部航海歸周世宗授都指揮使賜名
馬金帶征瓦橋關為
先鋒敗契丹於關北

宋

李

瓊 字子玉幽州人好學涉歷史傳仕周累官
太子洗馬周太祖嘗稱為師宋初召為太
子賓客以右驍衛上將
軍致仕卒贈太子少師

趙

贊 字元輔幽州薊人七歲誦書二十七卷賜
童子及第事周累功授保信軍節度使盡
去苛政居民便之宋初鎮延州將及州境前後
分置步騎所部羗渾來迎無不懾服太宗立進
封衛國公卒贈侍中贊知書接士大夫以
禮馭眾有方畧吏民畏服為時賢帥云

趙

普 字則平幽州薊人初為太祖掌書記後至
宰相以天下為己任太宗立拜太師及卒
追封韓王
事詳宋史

邊歸讜

字安正幽州薊人漢初歷禮刑二部侍郎
周世宗以憲綱不振令為御史中丞廉直

劇可久

字尚賢范陽人沈毅方正明律令仕晉周
皆為大理卿世宗以刑書深古條目煩細
命可久與張湜等編緝新格名曰刑統宋建隆
三年以光祿卿致仕可久在廷尉三十年用法
平允以
仁恕稱

竇

儀 字可象薊州漁陽人禹鈞子晉天福中進
士周初遷工部尚書兼判大理儀學問優
博風度峻整宋太祖屢欲相之趙普忌其剛直
不果用及卒贈右僕射儀弟儼字望之周廣順
中為主客員外郎知詔誥時儀自閣下入翰林
兄弟同日拜命分居兩制時人榮之宋初轉禮
部侍郎祀事樂章宗廟諡號多儼撰定所撰周
正樂成一百二十卷詔藏史館儼弟偁字日章

宋初拜右補闕太宗領開封府選偁判官推官
賈琰言矯誕偁叱之太平興國中參知政事太

宗曰卿能以公直責賈琰朕旌直臣耳

宋

琪

字叔寶幽州人舉進士為趙贊從事乾德初拜左補闕太平興國中自員外郎一歲

四遷至尚書拜平章琪素有文學知人情尤通吏術究審蕃兵馬山川形勢數言邊事多見採納

宋

雄

幽州人初與琪齊名幽薊間稱二宋雍熙中歷知均唐二州護河陰屯兵以知河渠

利害命領護汴口均節水勢以達轉漕京師賴之遷將作監所至職務修舉公私賴焉

田重進

幽州人積功至靖難軍節度使太宗在藩邸遣以酒炙不受謂使者曰為我謝晉王

我知有天子耳太宗即位以其忠朴始終厚遇焉

許

袞

字公儀燕人雍熙中為均州防禦判官州將表其能拜右贊善大夫判蘇州時江南

始歸朝廷宿政如夢袞善理之就進殿中丞

董遵晦

范陽人周世宗北征遵晦累功遷驍武指揮使太祖即位以西夏近邊授遵晦通遠

軍使遵晦不知書豁達無涯浹多方畧能挽強命中武藝皆絕人在軍凡十四年安撫一而夏人悅服

李懷忠

初名懷義范陽人開寶中從太祖征晉陽奮銳為士卒先中流矢戰益奮還授散騎

指揮使上幸西京有留都意懷忠曰東都根本安固一旦遷徙未見其利上納之卒贈侍中

馬全義

幽州薊人學擊劍善騎射宋初領果州團練使從征李栖筠未下全義率敢死士數

十人攀堞而上飛矢貫臂全義拔鏃臨敵士氣益奮遂克其城卒贈檢校太尉

張

暉

大城人從周世宗征淮南既拔楚泗即授泗州刺史宋初從征澤潞陷陣先登時方

議伐蜀遷暉鳳州團練使兼緣邊巡檢濠砦橋道使暉盡得山川險易密疏陳之太祖大悅以暉充西川行營先鋒都指揮使督兵開大散關路躬撫士卒人忘其勞

呂餘慶

幽州安次人建隆中參知政事知成都府時盜賊四起軍士恃功驕恣王全斌不能

戢下軍校被酒持刀奪賈人物餘慶立捕斬之後拜尚書左丞卒餘慶厚重簡易自太祖領藩鎮已為元僚受禪後趙普等先進用餘慶恬不為意會普忤旨餘慶獨辨明之時稱長者

趙上交

涿州范陽人美風儀善談論周廣順初拜禮部侍郎擢扈蒙甲科及梁周翰董淳之

流時稱得士宋初為尚書右丞上交所蒞官以幹聞當時稱有公輔器

張鑑

字德明范陽人藏英孫太平興國初第進士累拜監察御史決獄江左昭雪冤滯歷

遷江南轉運使去大姓為民害者江左震肅淳化中拜諫議大夫後出知廣州民條其政績上請刻石移知朗州以威信服溪洞酋豪後徙知郴州

劉審瓊

范陽人知鎮州太宗征河東駐蹕儲峙無水為防民甚苦之審瓊至悉令罷去火災亦絕

後徙知河陽年八十餘筋力不衰髭髮鬢黑孫

爽進士及第為秘閣校理

呂端

字宜直餘慶弟也太宗時為侍御史使高麗暴風折檣舟人恐怖端讀書危坐如在

齋閣時後拜參知政事持重識大體以清簡為務內侍王繼恩等謀立楚王元佐李后命繼恩召端端閉繼恩閣中而入后曰立嗣以長如何端曰先帝立太子正為今日乃奉真宗至福寧殿垂簾引見群臣端平立殿下不拜請捲簾升殿審視然後率群臣拜呼萬歲同列欲以事中之端曰吾直道而行無所畏愧風波不足慮也兩使絕域其國嘆重之後有使往每問端為宰相否其名顯如此

馬知節

字子元全義子以蔭補官真宗朝簽書樞密院事時王欽若為樞密使知節薄其為

人每廷議輒面詆之聞其風者皆知為正直云

楊崇勳

字寶臣薊州人祖守斌父全美皆為指揮使崇勳知兵法及前代興廢事真宗時為

羣牧都監累官節度使仁宗朝為
樞密使後為同平章事卒諡恭毅

張

佶

燕人父昉殿中少監佶少有志節涉獵史
書善騎射有方畧太宗時為利州轉運副

使真宗時為益州

鈐谿甚有威惠

張

玉

字寶臣保定軍人以六班散秩隸狄青麾
下號張鐵簡從征儂智高率突騎貫敵壘

賊大潰帝召見使作銳陣於殿廷下觀

破賊之勢河北三十七將以玉為第一

李淳頤

字子陰香河人知祥符縣熙寧中青苗法
行計息不及則黜降諸吏畏罪所散惟恐

其少淳頤獨貸三之一安石

怒謫通判廣信後官至刺史

遼

韓延徽

字藏明安次人少英邁涉歷經史累官崇
文館大學士太祖初元諸務草創凡朝中

機務悉令裁決為佐命功臣封魯國公子德樞

官侍中封趙國公孫紹芳重熙間參知政事庭

議征李元昊力諫
不聽聞敗嘔血死

康默記

本名照薊州校尉太祖侵薊州得之愛其
才隸麾下一切蕃漢相涉事屬默記折中

之悉合上意時支法未備默記推析
律意論決輕重不爽為佐命功臣

室

昉

字夢奇析津人幼謹厚篤學不出戶外者
二十年會同初登進士累官翰林學士遼

主數延問得失治亂奏對稱旨後拜宰相整革

蠹弊知無不言務在息民薄賦法度修明加尚

父贈尚

書令

張

儉

宛平人統和進士調雲州幕官故事車駕
經行長吏獻方物聖宗獵雲中節度奏言

臣境無他產惟幕官張儉一代之寶願以為獻

召見訪及世務條奏三十餘事由此顧遇特甚

大同中拜左丞相封韓王受詔輔立興宗拜太

師中書令加尚父儉性清約衣無紬帛食不兼

味在相位二十
餘年裨益甚多

馬得臣

南京人累官翰林學士以正直稱聖宗閱唐高祖太宗明皇三紀得臣錄其行事可法者進之及扈從伐宋進言降不可殺亡不可追詔從之

牛温舒

范陽人剛正尚節義舉進士知三司使事為宋所攻來請和解温舒使宋方大宴優人為道士裝索土泥藥壚優曰土少和不得温舒遽起以手藉土懷之宋主問其故温舒對曰臣奉天子威命來和若不從當捲土收去宋人大驚遂許夏和還加中書令

杜防

涿州人開泰進士知制誥人以為有宰相器重熙九年夏人侵宋上使防至夏解和之如約罷兵各歸侵地拜參知政事十三年拜南府宰相卒贈中書令諡元肅

郭世珍

渤海人景宗時為太尉司統和六年承天太后伐宋俘獲甚眾師次范陽世珍上言降卒役夫皆有父母妻子不無懷土之情驅而之北終不為用惟殿下至仁寬宥放歸鄉國太

后嘉納縱者萬人

楊皙

字昌時安次人幼穎悟通五經太平中進士為著作佐郎累遷南院樞密使請謁不行後封遼西郡王

楊佖

字正叔燕京人幼穎悟舉進士第一重熙元年官工部尚書加檢校太師同中書門下平章事後出為武定軍節度使境內亢旱苗稼將槁視事之夕雨澤霑足民歌曰何以蘇我上天降雨誰其撫我楊公為主灑陽水失故道歲為民害乃以已俸創長橋人不病涉及被召郡民攀轅泣送上御清涼殿宴勞之即日除吏部尚書同平章事

楊績

良鄉人舉太平進士累官南院樞密使遼主常召見論及古今治亂人臣邪正績曰何代無賢遇亂世則獨善其身遇明主則兼濟天下陛下銖分邪正升黜分明天下幸甚後封趙王

趙徽 南京人重熙中擢甲科累遷大理正歷煩劇有能名叅知政事出為武定軍節度使

抑豪強禮者宿教化大行後同知樞密院兼南府宰相門下侍郎平章事

劉伸 字濟時宛平人登重熙進士累官大理卿執法平恕人以不寬一日奏獄遼主與近

臣語不顧伸曰自古帝王重民命願省臣奏道宗驚異後拜叅知政事

楊遵勗 字益誠范陽人重熙時進士累遷樞密院副承旨咸雍三年遷都承旨簿書填委遵

勗一日五行俱下剖決如流敷奏詳敏上嘉之屢拜南北府宰相贈司空

耶律儼 本姓李字若思析津人登咸雍進士為大理卿奏讞詳平大安初為景州刺史繩胥

徒禁豪滑善政流播郡人刻石頌德改御史中丞按上京滯獄多所平反歷樞密院使封涑水

王郡

金

劉彥宗 字魯開宛平人遼進士授燕京留守判金太祖一見器之累遷同中書門下平章事

金大舉伐宋彥宗畫十策詔彥宗兼領漢軍都統凡燕京一品以下皆承制注授天會中伐宋

宋割地納質明年圍汴京謂宗翰宗望曰蕭何入關秋毫無犯惟取圖籍遼太宗入汴載路車法服石經以歸皆令

則也二帥嘉納之

韓企先 燕京人中皇統進士常召見太宗驚異曰朕嘗夢見此人今果見之於是方議制度

企先博通經史知前代典故因裁革折衷及為相以培植獎進為已任相兩朝幾二十年成功著業世稱賢相焉子鐸以儒

學世其家終順天軍節度使

翟永固 字仲堅良鄉人天會中以詞賦科授懷安丞海陵時分護燕京宮室役事請寫無逸

圖於殿壁不納正隆二年為翰林學士承旨召對議伐宋事忤海陵意即請致仕大定二年起拜尚書左丞請依舊制廉察官吏從之

趙元 字善長范陽人劉彥宗為樞密使辟元為

所重累官彰義武勝等軍節度使

馬諷 字良弼大興鄯陰人游學汴梁登宣和進

歷官忠順軍節度使

劉徽柔 字君美大興安次人天眷進士由樂城簿

遷洪洞令明敏善聽斷大定中同知河東路轉運使司以廉第一累遷至中都路轉運使

賈少冲 字若虛通州人家貧勤學少從軍行伍間

未嘗釋卷登天眷進士調安定令守正不阿累官左補闕外柔內剛每從容進諫世宗稱美之歷遷順天軍節度使少冲不喜言利嘗教諸子筦庫不可為聞者尚之子益字損之大定進士官至太常卿上防秋十三事

丁暉仁 字藏用宛平人冲淡寡欲讀書之外無他

好皇統中舉進士歷官至武定軍節度副

使為政無留訟後為祁州刺史士民相率歡迎於道改同知西京留守興學校以明養士之法終陝西西路轉運使

蒲察通 本名蒲魯渾中都路胡上愛割蠻猛安人熙宗選護衛識通名通以父老懇乞就養

海陵時以御院從伐宋使總隆州諸軍軍還入見世宗曰朕素知是人性温厚有識慮又精騎射朕欲問以事而考其言將用之累進平章政事封任國公

王蔚 字叔文香河人性通敏曉晰吏事皇統進

士調良鄉丞治績優等超拜河東北路轉運使廉察為時第一後以尚書左丞致仕

馬惠迪 字吉甫鄯陰人天德中進士調昌邑令廉

察第一累遷左司直郎中世宗稱其聰明朴實拜叅知政事

馬琪 字德玉寶坻人正隆進士為永清令以治

績聞累遷戶部尚書世宗稱其明敏上不

欺國下不害民
拜參知政事

高昌福 宛平人拜河南元帥府令史時宗弼復治
汴人有疑似被獲皆指為宋謀者殺之昌

福讞得實釋者甚眾累遷東京留守事
治最遷山東西路轉運使工部尚書

韓錫 字難老其先自析津徙薊之漁陽錫以蔭
補閣門祇候天會中南伐錫從軍掌禮儀

天德初特賜進士及第四遷尚書戶部侍郎大
定初錫赴行在授同知河間府事累拜絳陽節

使度

巨構 字子成平谷人第進士累遷橫海軍節度
使寬厚廉慎所至以靜鎮稱世宗嘗曰巨

構外淳質而內明
悟鮮有及之者

閻公貞 字正之宛平人大定中進士為朝邑王簿
以察廉陞同知亳州防禦事累遷翰林侍

讀學士大理卿公貞居法寺幾十年詳慎周密
未嘗有過舉被命校定律令人以為法家之祖

云

劉仲洙 字師魯宛平人大定中進士由龍門主簿
累遷吏部員外郎世宗嘗稱其才行明昌

中辨釋黨罪三十餘家為定海軍節度使歲饑
先開倉賑貸有司核之罪以贖論仲洙性剛直

果於從政所在有功
績蓋一時能吏也

馬伯祿 字天錫三河人登大定進士歷龍山令入
為國子博士朝廷以宰縣時有治蹟特遷

同知北京路轉運使委錄南北路刑獄所至無
冤明昌初為耀州刺史吏民畏愛提刑以狀聞

累官至南京路提刑御史
臺剛直廉幹終河中知府

張亨 字彥通皇統進士調樊山丞以廉幹聞累
遷至戶部尚書平章張汝霖稱其吏才極

高後為河南北路提刑使訪利
病條十三事以聞章宗嘉納之

完顏霆 本姓李氏寶坻人粗知書善騎射輕財好
義貞祐初縣人共推霆為四鄉部頭與弟

雲率義兵巡邏永清固安間充義兵都統累功遷防禦使賜姓

完顏仲元 本姓郭氏中都人貞祐中累功至永定軍節度使賜姓仲元在當時兵最強號

花帽軍正大間為兵部尚書沈毅有謀南渡後最稱名將

韓常 燕山人善射以挽強見稱累功陞萬戶都統屯河中甚為金主所知

程案 字公美析津人熙宗朝累官翰林學士嘗上疏言事以追崇宗祖慎選賢才舉巡狩

立紀綱為務上嘉納之仕至彰德節度使平生剛介不諂權貴有古君子之風

任熊祥 字子仁燕人大定初官太子少師北邊用兵未息詔公卿議熊祥曰陛下以勞民為

憂用兵為重不若以恩信招懷之自請行不果以老退

王脩 字脩然涿州人皇統進士由尚書令史歷顯德軍節度使遷禮部尚書脩性剛嚴臨

事果決吏民憚其威雖豪右不敢犯

張天綱 字正卿益津人累官監察御史遷御史中丞權叅知政事從哀宗遷蔡蔡城破為宋

所獲檻車械至臨安有司令供狀天綱曰殺即殺焉用狀為有司不能屈

元

耶律楚材 字晉卿遼東丹王突欲子婁國為燕京留守遂居於燕八傳生楚材博極群書

為文下筆若宿構元太祖定燕召見偉之每征伐輒從指謂太宗曰此人天賜我家楚材數勸

帝承天意全民命帝從其言太宗即位條便宜一十八事尋拜中書令事無巨細皆決焉汴梁

將下議欲屠之楚材曰所欲者土地人民耳得地無民又焉用之汴人獲全又請立孔子後收

太常禮樂生召用名儒分三科取士文治以興定天下賦稅一衡量立錢法庶政具舉民賴以

蘇息居相位三十餘年薨追封廣寧王諡文正

薛塔刺海 燕人剛勇有志太祖引兵至北口塔刺海帥所部三百餘人來歸帝命佩金虎

符為砲水手元帥從征河西諸國俱以礮立功

張世澤

昌平人父拔都率眾附太祖留備宿衛屢戰流矢中頰不少却世澤從伯顏南征大小十餘戰皆有功又從

平廣西累遷副萬戶

石天麟

字天瑞順州人年十四入見太宗因留宿衛為斷事官佐耶律楚材釐正庶務憲宗

時遣使海都被拘二十八年始得還世祖加以官固辭不受後累官平章政事

郝經

字伯常其先潞州人徙順天累官翰林學士充國信使使宋被留十六年始得歸經

為人尚氣節為學務有用及被留著述甚富嘗繫帛雁足汴中民於金明池射雁得之人以為忠誠所感云

梁曾

字貢父燕人少好學日記數千言中統中使安南宣布威德國王陳日尊感服命其

國相從曾詣闕請罪并上萬壽金册表獻方物後曾累官集賢學士

王倚

字輔之宛平人讀書務躬行不事章句世祖選侍東宮有詔皇太子裁決天下事凡

時政民瘼倚知無不言後拜工部尚書以疾辭職給太子家丞祿優養之

張九思

字子有宛平人至元中入備宿衛世祖巡幸上都妖僧高和尚夜聚數百人為儀衛

稱太子至建德門傳令啟關甚遽九思適宿禁中命主者不得擅啟關叱宿衛併力擊賊盡獲

之後歷官至平章政事光祿大夫

梁德珪

字伯温良鄉人至元中參議尚書省事執政入奏事帝詢其曲折不能對德珪從旁

辨析明白通暢帝大悅拜叅知政事在省日久為政以安靜為治干進者怨之因乞歸

史天倪

字和甫永清人曾祖論祖成珪父秉直讀書尚氣木華黎南伐秉直詣軍門降木華

黎欲官秉直秉直舉天倪天倪姿貌魁傑木華黎見而奇之以為萬戶從畧地三關至於東海

所遇城邑皆不戰而自下仕至兵馬都元帥為武仙所害子楫太宗時為真定宣撫使明政化

信賞罰民
威德之

史天澤

字潤甫天倪季弟也身長八尺善騎射勇

去破宋滅金功蓋一世累官中書右丞相天澤

出入將相五十餘年上不疑而下不怨人以比

史天祥

天倪從兄仕世祖朝累官副都元帥每征

彬為江東提
刑按察副使

王利用

字國賓通州潞縣人事世祖於潛邸中統

時政十七事嘉納之廉希憲常語人方今文

李秉彝

字仲常通州潞縣人年二十餘謁行省粘

麗宜拔其尤者為朝廷用從之遷員外郎世祖

巡行灌州修三江口堰民咸利
之累官工部尚書兩浙轉運使

李德輝

字仲寶潞人性孝友操履清慎仕為太原

為安西行省左丞招降羅施
鬼國及卒蠻人立廟祀之

朱國寶

寶坻人累官至廣南西道宣慰使所至立

服之世祖慰勞再四進
輔國上將軍都元帥

王伯勝

文安人兄伯順世祖時給事內廷以伯勝

勝以功授朝列大夫供衛直都指揮使扈從上

都久雨水暴至伯勝率衛卒百人集土石壘

王昔刺

保定人初事世祖以其有勇畧遂賜名昔

鎮萬州卒於軍子宏寧宏襲職屢立戰功官
至前衛都指揮使司僉事寧仕至侍御史

郝彬 字景文霸州信安人世祖時充太子宿衛擢揚州路治中歷官戶部尚書參知政事同列務生事要功殺無罪之人彬積誠開引橫不可制遂稱疾堅卧至數月尚書省臣皆得罪彬不與焉

郭貫 字安道保定人大德間為河東廉訪副使帝至五臺山問廉訪使滅里吉反何以有善政左右對曰副使郭貫教也因賜賚寵異之後除禮部尚書帝親書其官階曰嘉議大夫以授有司

吳鼎 字鼎臣燕人積官禮部尚書宣徽副使山折米一萬石鼎謂同使者曰民得鈔將何從易米同使者曰朝議已定恐不可復得鼎曰人命豈不重於米耶言於朝卒從所請至大元年改正奉大夫保定路總管

劉德温 字純甫大興人起家中書省宣撫使累遷大都路總管時輦下供給浩繁德温措置

有法民用不擾後轉承平路為政二年戶口增倉廩實興學育材為時良吏

趙師魯 字希顏文安人初補中書省椽典章法度無不練習及典銓選人服其公泰定間拜監察御史累官刑部侍郎樞密院判出為河間路轉運鹽使

王德仁 武清人舉茂才官遂州同知儉約慈愛民有盜賣其女而誣壻殺之累年不能決德仁鞫之得其情眾咸服焉

明

董倫 字安常宛平人隱居山林間學者多從之遊稱貝川先生元末累徵不出明初以張

寧薦拜春坊贊善大夫侍懿文太子多所輔導出為河南左叅議盡心民事名其堂曰後樂嘗草封事數千言無一不當上意洪武三十年免官典教滇南教育有方蠻童夷豎皆鼓舞而學建文即位召拜禮部侍郎與方孝孺同侍經筵御書怡老堂扁額及髹几玉鳩杖賜之

薛斌 其先蒙古人父薛台洪武中歸附賜姓薛

嗣職從成祖起兵進封

薛貴 斌之弟也永樂中從征有功累陞

冀傑 東安人由行伍從成祖靖難以功累陞左

軍都督卒

楊善 字思敬大興人永樂初以守城功授引禮

趙榮等同使瓦刺賫市綺繡詣也先所館伴者

見上皇侍立不敢坐也先數目上皇上皇令之

坐善頓首辭曰寧敢以草野廢君臣禮也先嘆

韓雍 長洲人入籍宛平登正統初進士授御史

平廣賊功陞右都御史卒諡襄毅

施聚 其先沙漠人居通州父忠從成祖北征陣

也先逼京師詔入關聞命慟哭即日引兵西部

下進牛酒聚却之曰吾何心饗此賊退還鎮以

袁彬 錦衣校尉從英宗北狩備歷艱辛英宗復

太液池水通其宅嘗被召宴畧用家人禮彬性

質直不阿指揮門達忌之誣以受石亨曹欽諸

龔遂榮 錦衣千戶英宗入塞遂榮寓書大學士高

禮况儒臣乎陳循劾榮越職言事下獄會赦得

毛

勝

其先薊州人勝以父蔭為南指揮使正統後屢平賊寇陞左都督守邊進封南寧伯

郭

登

武定侯英孫以勲衛居京師正統時進都督僉事守大同多戰功景泰立封定襄伯

上疏多所建白天順初奪爵謫戍未幾召還充團營總兵八年卒登有文武才能詩性至孝母病割股作羹以進居喪哀毀骨立

不肉食笑語者三年卒諡忠武

董

方

字仲矩通州漷縣人正統進士授大理評事以蕭惟楨薦遷寺正多所平反景泰乙亥簡廷臣讞直省獄方得山西屢釋冤滯天順庚辰曹欽謀逆方趣軍士救護賊平擢本寺右

少卿累官刑部尚書卒

李

賓

字廷用順義人正統進士授浙江道御史已巳邊警募兵萬餘軍威遙振虜遁去陞

副都御史提督永平山海諸軍興屯田之利兵民交賴英廟復辟召為大理卿時刑獄嚴刻賓疏列古失刑數事直言不諱朝論韙之辛巳秋曹欽謀不軌賓率家人擊之撲滅長安門火歷

陞南京兵部尚書令有司設常平倉平江洋鹽盜乞歸不從進太子少保卒

岳

正

字季方通州灤縣人正統進士及第授翰林院編修天順初改修撰入直內閣正素

豪邁敢言既受特擢益感激思自効時石亨曹吉祥怙寵擅權正言宜早節制請以計間之反為吉祥所中帝青其漏言會承天門災勅諭廷

臣命正視草正歷數弊端多切實亨等構飛語指為謗訕謫欽州同知時入閣僅二十八日耳

尚書陳汝言以私事中之逮繫予杖謫戍肅州亨等敗得釋為民憲宗初以原職充講官尋被

譖出知興化府多所建革鄉士大夫不利所為騰謗言

趙

永

字爾錫順天人少從李文正學稱之曰此子丰骨不凡遠到之器也入翰林侍經筵

每進講必先焚香默坐積誠滌慮以冀感悟君心累錫褒獎偶因疾在告上念講官無直諫者遣官賚旨至卧榻促令

供職仕至禮部侍郎

李東陽

字賓之本湖廣茶陵州人隸籍金吾衛景帝時以神童召見賜賚甚渥登天順進士歷官文淵閣大學士武宗初劉瑾擅權刑辱朝臣東陽遇事潛移默轉多所救免瑾誅特進左柱國乞休卒於家贈太師

田景賢

字宗儒涿州人成化進士授給事中劾貴戚慶雲伯周壽廷杖幾斃猶極言不已尋擢通政叅議查理邊儲經畧戎務建白咸切時宜歷官禮部尚書掌太常寺劉瑾擅政大臣多所屈景賢獨剛正不阿尋以疾卒

朱驥

字尚德大興人初襲衛千戶淹蹇不為人知尚書于謙以女妻之坐謫戍還官成化時受知憲宗掌衛事二十餘年委任獨至驥為人小心慎密不逞糾緝未嘗妄興一事凡涉註誤者輒縱舍有所論列悉推諸官校以故從之蒞事者多至顯官時人莫不賢驥而嘆于謙為知人云

王獻臣

字敬止其先吳人隸籍金吾衛弘治進士擢御史巡按大同請悉捐各邊逋賦乞治奸人以田宅投勲戚者罪并痛懲漕事要索還朝復陳便宜數事俱見採納尋按遼東劾中官劉恭貪縱為東廠緝事所訐下獄謫上杭丞再謫廣東驛武宗立移永嘉知縣卒

張禴

字汝吉平谷人宏治進士選庶吉士正德初為兵科給事中劉瑾擅政欲寘劉大夏於死禴抗議申救得謫戍禴性抗直累遷僉都御史巡撫山西鎮守太監吳經貪橫虐民禴寘其黨於法勢始戢武宗西巡建宮造舟禴皆上疏極諫上怒執禴左右拷訊竟無所得乃止卒於官

邢昭

字仲明三河人宏治進士由知縣擢御史巡鹽浙江守正不阿因忤劉瑾廷杖一百不死人稱鐵鑄邢昭謫高平令瑾誅復拜御史

梁材

字大用金吾右衛人宏治進士起家知縣擢御史調知杭州府遷浙江按察使宸濠

之亂鎮守太監畢真陰與濠通材按調兵食方
 畧一日悉具自往說真撤兵衛全浙獲安嘉靖
 初調雲南按察使有土酋仇殺累年材召其酋
 曰汝罪當誅今姑貸汝當以牛羊贖土酋方衷
 甲待變聞材言皆叩首輸服累遷戶部尚書時
 上方勤政力法宿弊多可材奏以是權倖嫉之
 考滿令致仕帝念材廉勤召復故官三掌國計
 砥節奉公如一日有大獄久不決特命材掌刑
 部數日悉奏當上曰尚書如材
 者十二人朕無憂矣卒諡端肅

張

欽

字敬之通州右衛籍正德進士授行人旋
 擢御史奉勅巡視居庸關時武宗欲北狩

乘輿已迫關矣欽閉關堅請回鑾武廟壯其忠
 遂止聲望益隆忤當道出知陝西漢中府未幾
 總制都御史楊一清特薦陞按察司副使兵備
 延綏歷陞福建布政使進大僕寺卿遷都察院
 右副都御史巡撫四
 川陞工部右侍郎

史

道

字克宏涿州人正德進士改庶吉士授給
 事中論谷大用江彬誤國止太監張佐

封爵論救尚書王瓊等死章數上多見嘉納後
 以論奏大學士楊廷和下詔獄謫全縣丞累官
 僉都御史巡撫大同建五堡城廣耕戍歲
 省漕輓費無筭進兵部尚書加太子太保

王

遴

字繼津霸州人嘉靖進士除紹興推官遷
 兵部主事矜節槩不妄交與楊繼盛同官

相得楊疏劾嚴嵩論死遴為資餽粥且以女字
 其次子及繼盛死收葬之會查覈嚴效忠嚴鵠
 冒功事嵩子世蕃自為藁屬武選郎周冕冕發
 之反得罪尚書聶豹懼趣所司以世蕃藁上遴
 力爭不可次日另具一藁呈聶聶擲於地曰君
 為君子豹為小人矣竟覆如世蕃稿嵩父子銜
 遴次骨乃據他事下之詔獄事白復官出為司
 嵐兵備副使有威名為巡撫所忌劾去官民相
 率訟冤詔許起用累遷右副都御史巡撫延綏
 大興屯田邊人賴焉萬歷中歷戶兵工三部尚
 書陳理財七事上嘉納以忤時相罷
 歸卒贈太子太保天啟初賜諡恭肅

劉體乾 東安人嘉靖進士授行人選兵科給事中
 時國用不足體乾疏請革冗濫語侵內監

時論避之累遷至戶部尚書隆慶中數取太倉銀又趣辦真珠寶玉等物體乾執不行上切責之予閑住萬歷初起南京兵部尚書體乾素恭謹持大體有古大臣風

朱希忠

字貞卿以勲封世居京師嘉靖時襲封成國公器宇凝重忠慎自矢歷事穆宗神宗

始終一節卒追封定襄王

李三才

字道甫通州人授戶部主事以救御史魏允貞左遷東昌推官累陞僉都御史督漕

淮上劾稅瑞璫陳增請罷礦使不報乃自劾去南得賊數十萬下吏伏法遠近大快屢遷戶部尚書被劾歸天啟二年復起戶部尚書未上卒三才性揮霍有大畧愛結納顧憲成講學東林深與相契士論歸之

傅好禮

字伯恭固安人萬歷進士知涇縣擢御史請節游宴停內操裁威晚語皆切直按浙

江歲大祲動帑銀二萬留漕糶二萬石賑之自陳擅發罪上特宥之歷陞太常寺卿時權使四

出海內騷動好禮抗疏言假官抽稅之害四日不報復具疏跪闕下三日神宗震怒降廣昌典

吏既而上思好禮言下其疏誅奸民張禮等二十八人害乃除天啟中贈太常少卿

侯拱辰

大興人尚壽陽公主掌宗人府事五十餘年凡所諫言皆慷慨切直萬曆中青宮久

虛廷臣擬上疏莫敢首署名者拱辰曰會典以宗人府為文職第一願首署名至册封代王與挺擊獄起拱辰據經引義無所顧忌國是者定卒諡榮康

劉廷諫

字良哉通州人萬曆進士授刑部廣西司主事有陝西民首韓宗功等數十人為奸

細三法司悉議辟廷諫曰廷尉天下之平若但據首詞遂律以叛何平之有都御史楊漣然之行令察覆得釋者衆調吏部郎中崇禎中陳啟新上書請廢制科罷行取疏下部議廷諫力言其謬得不行兵部尚書楊嗣昌奪情蒞事廷諫上疏諫不納前後在吏部二十年以耿介見泥不調甲申徵拜僉都御史卒

本朝

杜立德 字純一 寶坻人 明崇禎癸未進士

本朝順治二年授中書選給事中疏請舉行經筵定朝期嚴加派肅禁地多被嘉納所彈劾不避

權貴累遷刑部尚書每獻重辟必周詳審慎反覆為求生路得則退有喜色不得則日中不出署抵暮歸或竟忘食一日入奏既退

世祖章皇帝顧左右曰爾等識此人乎此新授刑部尚書

上所褒獎若此康熙初改戶部轉吏部拜保和殿大學士

聖祖仁皇帝嘗言閣臣如杜立德真不愧古大臣歷相十

餘年 恩眷優渥嘗

賜宴內廷 特命列坐殿內漢大學士入殿坐自立德始也以疾乞

御製五言律詩一章及怡情洛社圖章以榮其歸及卒

賜諡文端祭葬如例立德素友愛為刑部尚書時當廢

一子以讓其弟立本立本後官廬州知府有能聲子恭俊官江西廣信知府康熙三十九年迎

駕三河 上詢知故相子甚喜并問立德墓處 御書永言惟舊四字以賜之恭俊好施與濟人緩急縣有

陳姓者欠官糧三百金將鬻其女恭俊捐金代償而嫁其女邑人稱之父兄弟並祀鄉賢

王崇簡 字敬哉宛平人 明崇禎癸未進士

本朝順治三年授國史院庶吉士尋除秘書院檢討

遷侍讀學士會 詔察明季殉難諸臣崇簡疏列大學士范景文等二十

世祖章皇帝語崇簡曰父子熙亦官宏文院學士 八人請予旌典從之遷少詹以疾告旋以薦起

國史院學士時子熙亦官宏文院學士 恐有未安因擢崇簡為禮部侍郎陞尚書加太

賜諡文貞祭葬如例 子太保凡所建白宏經據古洞中窾會尋宏疾

劉

捷

字玉壘大城人順治丙戌進士試奏議於

午門授戶科給事中會大計撫按糾舉多不以實捷
輒拾遺論之為忌者所中罷歸家居十餘載臺
省交章薦復原官累遷湖廣布政使三省大帥
會師勦楚西山巨寇日需芻糗數十萬民苦輓
餽中途多逸督撫屬捷督運捷攀藤緣谷履穿
衣裂寢食荒榛宿莽中民感其勤勞爭負以赴
運寇平以憂歸再補江西布政使滇黔逆作蹂
及江表南昌兵民爭欲逃匿問軍門勢甚洶洶
捷單騎往諭民賴以安擢太常卿遷副都御史
拜刑部尚書卒

賜諡端敏

予祭葬康熙二十二年崇祀鄉賢

王

熙

字子雍宛平人崇簡子順治丁亥進士改
國史院庶吉士授檢討歷遷春坊諭德十

三年初置日講官熙首膺選進翰林院掌院學
士加禮部尚書時熙父崇簡方以尚書長禮部
父子皆大宗伯朝士榮之十八年
世祖章皇帝疾大漸

召人養心殿撰遺詔熙泣伏
御榻下先草第一條上奏移

乾清門撰擬俄
召入與故舊大臣並受

顧命

聖祖仁皇帝即位改宏文院學士仍兼禮部尚書康熙五

年拜左都御史首請裁藩下糜餉又請禁王公
以下貿易之害停官員捐助之例悉奉

嘉納尋轉工部尚書改兵部以丁父艱家居
特拜保和殿大學士當是時三逆削平海內康樂熙入

政府務寬平持大體宣

上德意悉心密勿風夜祗勤蓋居相位者二十餘年

恩眷始終如一君臣際遇尤為漢唐以來所僅見云數

引年乞休輒奉

俞旨慰留後以疾篤特加少傅致仕康熙四十二年卒

於家

賜諡文靖祭葬如例雍正十一年奉
特旨入祀賢良祠

郝維訥

字敏公霸州人戶部侍郎傑之子順治丁
亥進士授刑部主事出為福建糧儲僉事

累官吏部尚書杜絕請託奸胥不敢有所上下
銓政以清及卒

賜諡恭定
諭祭三

次康熙二十四年崇祀鄉賢維訥性謹慎操持
廉潔初登進士與父傑同朝士大夫爭為欣羨
而維訥恂恂守儒素風歷官三十餘年家無餘
貲從弟惟訓順治壬辰進士除徽州推官擢御
史巡鹽河東有惠政子士鈺以廕官江南太平
知府並祀鄉賢

永平府

漢

徐

樂

燕郡無終人武帝時與主父偃嚴安俱上
書言世務書奏上召見三人曰公等皆安
在何相見之晚也皆拜為郎中

郭

涼

字公文右北平人雖武將通經書多知畧
尤曉邊事為幽州兵曹掾擊彭寵有功封

廣武侯

三國

程

普

字德謀右北平土垠人有計畧從孫堅出
征堅卒復隨孫策拔廬江為吳郡都尉後
與張昭等共輔孫權代周瑜領南
郡太守遷盪寇將軍封高密侯

韓

當

字義公遼西令支人從孫堅為別部司馬
及孫策東渡從討三郡征劉勲破黃祖領
樂安長後以中郎將與周瑜拒曹操又
與呂蒙襲南郡封石城侯遷昭武將軍

晉

陽

鶩

字士秋無終人仕慕容氏為平州別駕屢
獻安時強國之術備圖中原鶩制勝之功
居多以太尉致仕

南北朝魏

寶 瑗 字世珍遼西人以拜爾朱榮官為榮所知表為北道大行臺左丞從榮東討葛榮事

平封容城伯永熙中為廷尉卿及釋奠開講瑗與溫子昇等並為摘句累官太宗正卿雖通顯清捺如故卒諡曰明

韓麒麟 昌黎人孝文時拜徐州刺史在官不尚刑法太和京師大饑表陳時務甚切為人

恭慎清儉恒置律令於坐傍卒之日篋僅俸絹數十疋追封燕郡公諡康和

陽 藻 字景德無終人舉秀才射策高第累官寧遠將軍領統軍外防內撫甚得居邊之稱

以年老歸為賊帥杜洛周所囚發病卒永熙中贈征虜將軍

陽 固 字敬安藻從弟太和從宋王劉昶征義陽昶治軍甚急固啟諫昶怒欲斬之使監

當攻道固在軍勇決志意閑雅了無懼色昶甚奇之言於高祖辟大將軍府參軍事後為北平太守甚有惠政肅宗即位除尚書考功郎大軍征碭石勅為李平七兵郎中平奇固勇敢軍中

大事悉與謀之累官前軍將軍卒贈輔國將軍太常少卿諡曰文固剛直不畏強禦居官清潔歿之日無以供喪親故為具棺歛焉

陽休之 字子烈固長子普泰中與魏收等修國史後為光祿卿監國史尋除吏部尚書凡所選用莫不才地俱允休之早得才名為人物所傾服外如疎放內實謹厚晚節猶以通美見稱弟詮之字子衡亦有名

韓 秀 昌黎人聰敏才辨富文學為宣武將軍都尉累官青州刺史有政聲

盧魯元 昌黎人寬和雅度累官襄城公諡曰孝

周

段 永 字永賓遼西石城人魏正光末避地赴洛陽拜平東將軍時賊魁元伯生攻陷城壁

孝武遣婁昭討之請以五千人行永進曰在速不在眾若星馳電發出其不意得五百精騎足

矣帝命永代昭果討平之周孝閔初進廣城郡公歷任內外所在有稱

怡 峯 字景阜遼西人本姓墨胎因避難改焉永安中與趙貴等同謀翊戴太祖大統中東

魏遣行臺任祥率步騎萬餘攻潁川峯以輕騎五百邀擊之自是威名日盛後與于瑾討劉平伏從解玉璧圍平栢谷塢並有功峯沉毅有膽畧得士卒心當時號為驍將終夏州刺史諡襄威

隋

榮建緒 無終人性亮直仕周拜相州刺史將之官時文帝陰有禪代意謂建緒曰且躊躇當

共取富貴耳建緒義形於色曰叨公所舉非僕所聞遂行開皇初來朝上曰卿亦悔否曰臣位非徐廣情類楊彪上笑曰朕雖不解書語亦知卿此言不遜也歷始洪二州刺史所著有齊紀三千卷

榮 毗 字子謙建緒弟楊素薦為華州刺史素田宅多在華陰左右放縱毗以法繩之無所

寬貸素謂曰舉卿適以自罰也毗曰奉法一心者但恐累公所舉累官治書侍御史在朝侃然正色百寮憚之

豆盧勣 昌黎人為渭州刺史多惠政有白鳥玉漿之瑞累功封楚國公諡曰襄

唐

李光弼 昌黎柳城人郭子儀薦其能授河東節度使累功封臨淮郡王諡武穆光弼用兵謀定而後戰能以少擊衆唐中興功第一事詳唐書

李惠登 柳城人為平盧軍裨將安祿山亂從董秦泛海後為隋州刺史為政清靜興利去害

居二十年田野闢戶口增累遷御史大夫

陽 旻 字公素平州人父惠元與李懷光戰死旻被創墮井或救得免歷邢州刺史時盧從

史既縛潞軍潰有驍卒五千奔旻旻開諭禍福遣之衆感悟遂還軍憲宗嘉之遷易州刺史以討吳元濟功進御史大夫

田廷玠 盧龍人承嗣從兄弟累遷滄州刺史為李寶臣朱滔所攻固守連年承嗣盜磁相廷

玠無所回染及悅代立召為節度副使讓悅曰而當守朝廷法度以保富貴自兵興來叛天子能完宗族者誰耶而志不悛蓋殺我遂稱疾不出悅過謝之杜門不納憤而卒

田宏正 字安道廷玠子為節度田季安衙內兵馬使季安死子懷諫委政家奴衆怒推宏正

為主宏正與約舉六州版籍請吏於朝苟天子未命敢請旌節者死憲宗嘉其誠詔充魏博節度使遣裴度宣慰遂與深相結納奉上益謹復請度遍行諸部宣示天子恩詔李師道拒命率諸節度進討取十有二州以獻加檢校司徒同中書門下平章事卒諡忠愍子布魏博節度使諡曰

周寶 字上珪盧龍人武宗時節度經原務力聚糧二十萬斛號良將中和初進同平章事兼天下租庸副使以功封汝南郡王

郭瓊 平州盧龍人唐明宗時為階州刺史晉天福中移刺涇州漢乾祐中為行營都部署

會平盧節度劉銖稱疾不朝遣瓊屯青州銖置酒召瓊欲害之瓊從容從席銖不敢發瓊因為陳禍福銖感其言遂治裝周世宗時為齊州防禦使民饑以已俸賑之人懷其惠詣闕請為立碑宋建隆三年加右領軍衛上將軍致仕歸瓊雖起卒伍而所至有惠政尊禮儒士孜孜樂善蓋武臣之賢者也

姚內斌 盧龍人仕遼為瓦橋關使周顯德六年以城降以為汝州刺史入宋從平李均移刺

慶州在郡十數年西夏畏伏不敢犯塞子承贊蜀門祇候承鑒殿中丞

陳若拙 字敏之盧龍人檢校左傅思讓之孫若拙幼嗜學太宗時官殿中侍御史後遷河東轉運使陳堯叟言其幹職擢右諫議大夫

遼

趙思溫 字文美盧龍人事唐莊宗為平州刺史太祖畧燕地思溫來降及伐渤海以為漢軍都團練使力戰拔扶餘城身被數創太祖親為調藥累擢保靜軍節度使卒贈太師魏國公六世孫興祥仕金

韓知古 薊州玉田人六歲為淳欽皇后兄耶律欲穩所得後來嫡知古從焉太祖召見命參謀議時儀法疏闊知古援據典故參酌國俗使國人易知而行累遷中書令為佐命功臣子匡嗣西南招討使贈尚書令

耶律隆遇 本姓韓名德讓即知古孫也統和中賜今姓名代父匡嗣為上京留守甚有聲

尋復代父守南京以功拜遼興節度使受顧命立梁王代宗坊為北府宰相卒諡文忠弟德威屢立戰功官至門下平章事德崇善醫累官武定軍節度使德崇子制心拜上京留守封漆水郡王追封陳王

耶律滌魯 字遵寧德威孫歷北院宣徽使封混同郡王擢拜南府宰相滌魯神情秀徹聖宗子視之與宗待以兄禮雖貴愈謙以年老乞歸

金

孟浩 字浩然灤州人遼末進士金大定中起侍御史剛直敢言世宗嘉其忠每對大臣稱之以中丞拜參知政事賞罰功罪必具事狀頒中外痛革海陵弊政以尚書令中丞兼太子太傅告歸

劉敏行 平州人天會間進士除校書郎遷肥鄉令有治績

李元璋 馬城人正隆元年第律科遷夏津知縣太和時詔訪山東賢能官璋舉第一章宗特

旨延問奏正紀綱近忠直遠邪
佞數事帝嘉納擢吏部尚書

王 寂 字元老薊州玉田人父礎金歸德府判官寂第進士官中都路都轉運使文學政事

為時所稱
卒諡文肅

韓企先 玉田人知古九世孫累官尚書左丞相博通經史知前代故事一時禮制咸折衷得

宜專以獎勵後進甄別人物
為已責世稱賢相卒諡簡懿

李 磐 字仲安玉田人遇事恢廓不為小廉曲謹歷閣門使封隴西郡伯

元

姚 樞 字公茂柳城人有王佐才世祖待以客禮詢以治道首陳二帝三王治平大經世祖

嘉納自是內修外攘之政咸委任焉累官翰林學士承旨卒諡文獻子瑋仕為平章政事

姚 燧 字端甫樞之從子從學於許衡為秦王府文學尋除漢中路提刑按察司副使人服

其明決所著有國統
離合表牧菴集行世

張 昇 字伯高其先定州人後徙平州至元中授國史院編修官武帝時議躬祀禮昇引經

據古參酌時宜甚嘉納之元統初訪問治道昇條上十事以告省墓歸明年召為奎章閣大學

士不就

陳 顥 字仲明盧龍人仁宗時拜集賢大學士每取聖經所載大經大法有切治體者陳之

好薦拔士類曰寧以謬舉受
罰蔽賢誠所不敢卒諡文忠

明

王 和 遷安人成化進士歷御史在南道劾戶尚張鳳在北道劾太監汪直并奏革西廠聲

動朝野按察山東冒寒暑平青州劇盜生平廉介方正不移於時好卒於官貧不能歸葬同寮

為哀金致賻焉

鄭已 字克修山海衛人成化進士選庶吉士改御史累疏指謫撫臣及中貴以故權要忌

之巡按陝西上匡時圖治等疏言極剴切時勲貴出鎮子弟怙勢凌下監司莫敢問已捕而杖之濱死乃謀中之謫戍宣府尋放歸

王翊 字汝温永平衛人宏治進士選給事中陞左僉都御史巡撫山西裁宗室驕橫以機

要規鹽利者峻拒之合境肅然移撫山東會王師討逆豪道經齊魯籌芻糧供億兵皆無敢犯者武宗南幸鎮守指以供御大肆科索翊正色責之欲擊以笏乃止擢副憲終兵部侍郎

任惠 灤州人宏治進士為吏科給事中時朝廷將黜劉健謝遷於外惠奉留之兼劾中官

高鳳弄權遂廷杖革為民後起山東僉事未任卒同邑御史王蕃與惠交劾鳳亦除名諱起平涼大守

馬永 遷安人世襲金吾左衛指揮使充薊州總兵官治三屯盡簡諸軍散遣老弱聽其農

市取其備直給健武者健武卒益奮由是漁陽一軍稱獨雄武宗至喜峰口馳馬欲出塞永扣馬力諫而止後鎮遼東陞左都督卒於遼遠人為罷市哭喪過漁陽漁陽人亦哭罷市皆祠祀焉

厲汝進 字子修灤州人嘉靖進士授池州府推官東帶坐堂判十年疑獄者七道路有神明

之頌擢給事中疏論嚴嵩為國大毒廷杖謫雲南典史復以考察罷穆宗時詔復原官未赴病卒

王好問 灤州人知府好學之弟嘉靖進士為御史劾巨璫不法事出按山西陝西上與革便

宜却諸祥瑞不以聞穆宗時劾近習謀典兵柄尤極剴切歷官南京戶部尚書南中米湧貴先發倉粟而後以聞有古大臣風尋致仕歸

高第 字登之灤州人萬歷進士初為臨穎令歷官兵部尚書時崔魏用事提督郭欽求加

都督同知第不應參將梁甫賄瑞矯旨竟授總兵第復疏爭乃止楊左之獄第於經筵畢力陳黨錮宜釋忠賢怒出第經畧薊遼第檄道鎮堅壁清野為固守計崔呈秀復劾第為怯勒令閑

住崇禎初復原官卒於家

保定府

漢

趙廣漢 字子都蠡吾人舉茂才為陽翟令以治行尤異累遷守京兆尹發奸摘伏如神治理

威名流聞外域

王

尊 字子贛高陽人初為號令累遷益州刺史至九折坂曰此非王陽所畏道耶叱其馭曰王陽為孝子王尊為忠臣居部二歲徼外服其威信遷東平相以剛直免起為司隸校尉以

劾匡衡張譚左遷徵為諫大夫守京兆尹拜東郡太守

王

商 字子威蠡吾人嗣父武爵為樂昌侯推財以分異母諸弟累官中郎將武帝時代匡衡為丞相為人有威重單于來朝見商於未央廷中仰視大畏為之却退帝聞而嘆曰真漢相也

劉

祐 字伯祖安國人為河東太守時屬縣令長多中官子弟祐黜其權強平理冤結政為三河表累遷至大司農中常侍蘇康等占民田業祐移書所在依科品沒入之坐論輸左校後得赦乞歸

三國魏

孫

禮 字德達容城人少經喪亂與母相失同郡馬台求得禮母禮盡推家財以與台累官揚州刺史吳大將全琮率眾數萬來攻禮戰於芍陂自旦及暮手秉桴鼓奮不顧身琮眾乃退

凡歷七郡五州皆有威
信遷司空封大利亭侯

南北朝魏

許

惇

字季良新城人五世祖彥仕世祖朝以卜筮頻驗參謀議封武昌公惇情識敏速達於從政任司徒主簿以明斷見知人號入鐵主簿遷陽平太守政為天下第一特加賞異圖形於關遷魏尹出拜齊州刺史轉梁州治並有聲歷遷尚書右僕射

北齊

孟

業

字敬業安國人天保初為清河王法曹主簿每斷獄人稱明允遷東郡太守以寬惠著名著

唐

張行成

字德立義豐人方方正為富平主簿有能名召補殿中侍御史糾劾嚴正太宗以

為才凡國有大政必與議焉累遷尚書左僕射

齊

澣

字洗心義豐人少開敏李嶠稱其有王佐才景雲初姚崇引為御史劾奏常先風教時人號為善職遷中書舍人朝廷有大政事必諮之出為汴州刺史以清毅聞累遷吏部侍郎卒

陽

城

字克宗定州北平人第進士隱中條山宰相李泌薦之召拜諫議大夫裴延齡誣逐陸贄等城上疏極論延齡罪申直贄等累日不止聞者寒慄下遷國子司業引諸生告以孝道明日謁城還養者二十輩出為道州刺史州當上考功第城自署曰撫字心勞催科政拙考下下順宗立召城還城已卒贈散騎常侍城弟堦與城共隱中條山有寡妹依城居夫客死遠方城與弟行千里負其柩以歸葬

齊

映

高陽人舉進士中博學宏詞補河南參軍德宗幸奉天授御史中丞貞元中累官中

書侍郎與崔造劉滋
同輔政卒謚曰忠

五代唐

西方鄴

定州滿城人以勇力聞莊宗以為孝義指
揮使數從征伐有功同光中為曹州刺史
以州兵屯汴州明宗自魏反兵南渡河而莊宗
東幸汴州節度使孔循懷二志鄴將麾下兵五
百西迎莊宗於汜水嗚咽泣下莊宗亦為之歔
噓使鄴為先鋒至汴莊宗不得入還洛陽遇害
明宗入洛鄴請死明宗嘉嘆久之出為夔州寧江軍節度使

宋

孫行友

清苑人常聚眾郎山屢敗契丹仕漢周累
官定州留後宋初加同平章事累遷至左
龍武大將軍子全照以蔭補殿直雍熙中從田
重進擊賊有功知威鹵軍澶淵之役全照擊敗
契丹後力檢校工部尚書

郭

進

博野人開寶中征河東以為行營馬步軍
都監召徠山右諸民太平興國中車駕征
大原先命進分兵防北邊契丹
果犯闕進大破之俘馘以獻

劉文質

字士彬保塞人父審琦為虎牢關使從討
重進戰死文質仕太宗朝累官靈州清遠
都監李繼遷入寇文質以私錢二百餘萬給軍
士軍士皆感奮遂大破之天禧中官終代州刺
史

盧之翰

字維周祁州人曾祖元暉鴻臚卿祖知誨
天雄軍掌書記父宏蔡州防禦判官之翰
太宗朝登第遷殿中丞通判洛州會契丹入寇
之翰決漳御河以固城壁召還歷京西轉運副
使建議導淇河合於
淮達許州以便漕運

程

羽

字冲遠陸澤人太宗朝拜給事中知開封
府未幾出知成都府為政寬簡蜀人便之
累遷文明殿學士以兵部侍郎致仕曾孫珣仁
宗朝官大中大夫即二程先生父也徙居河南

遂世為河南人

趙

振

歸信人景德中為隰州兵馬監押累功遷左神武大將軍振性剛強每自負喜謀畫輕財尚氣眾樂為之用子珣珣習書史尤究心地理初隨父在西邊訪得五路徼外形勝利害作聚米圖經五卷詔取其書并召珣至上五陣圖兵事十餘篇珣善騎射特好學恂恂類儒者

劉

渙

字仲章文質子有才畧臨事無所避章獻太后臨朝久渙上書請還政仁宗時為右正言郭后廢渙與孔道輔范仲淹等伏闕爭之歷知諸州皆著聲績熙寧中以工部尚書致仕弟滬字子濬知書傳深沉有知畧仕至內殿崇班

程

琳

字天球博野人羽從孫也舉服勤詞學科仁宗朝權三司使出納尤謹內使奏琳專琳曰三司貢賦皆朝廷有也臣為國惜於臣何有帝然之後拜尚書左丞出判大名府魏人愛

之為立生祠

齊

恢

字熙業蒲陰人第進士通判陳州提點河東刑獄凡公弊格外餽餉之物一無所受韓琦薦其賢累遷知審官西院糾察在京刑獄恢在鄉里恂恂稱君子臨政府明白簡約所至人愛之

遼

王

棠

新城人重熙中鄉貢禮部廷試皆第一累官至南府宰相練達朝政臨事不怠在政府修明百度有聲

金

時

立愛

字昌壽新城人遼大康進士官遼興軍節度使金太祖定燕立愛率所部降後太祖以燕薊畀宋立愛見宋政日弛屢徵不出及宗望再取燕山詔幕府拜立愛同平章事謀畫居

多封陳國公

趙思文 完州人明昌進士累官至禮部尚書時朝廷多難思文間關兵旅未常墮於非禮時

人稱之

王擴 字充之中山永平人明昌進士累官同知橫海軍節度使召為戶部侍郎潼關破元

兵至近郊遣擴行六部事規辨芻糧未幾權陝西東路轉運使卒

劉炳 葛城人貞祐進士上十策曰任諸王結人去冗食修軍政繕城池上嘉納之擢御史臺令史

嘉納之擢御史臺令史

元

張柔 字德剛定興人慷慨尚氣節善騎射金末盜起柔聚眾保西山東流寨後歸元每戰輒勝威鎮河朔移鎮保州保自兵火之後荒廢

考十五年柔營建城市廬舍百廢具舉拜河北

路都元帥世祖時以勲封蔡國公卒追封汝南王

賈輔 蒲陰人初仕金為祁州刺史後歸太祖時從定山東遷左輔元帥累功領順天河南等處

軍民萬戶子文備襲左輔元帥常領所部中毫州攻武磯堡以戰守有功累遷湖廣行省叅知政事追封武威郡公

翟文彬 滿城人隸張柔麾下屢立戰功中統年佩金虎符鎮守均州授南京安撫使

劉贊 滿城人隸張柔麾下討賈瑀降郭收攻完州及西山諸寨力戰有聲累官武畧將軍

焦用 雄州人遠祖贊宋時鎮瓦橋關用初仕金守雄州元兵至州人開門降用猶力戰被

獲太祖以其忠壯而釋之復舊官狗山東地未常妄殺一人卒贈中書左丞子德裕有才辨善

騎射武仙敗走其黨保仙故壘德裕擒殺之地悉平累陞都元帥府叅議卒追封恒國公

張宏範 字仲疇柔第九子也善馬槊能為歌詩至元十四年平宋師還授鎮國上將軍明年

平嶺海磨崖山之陽勒石紀功而還延祐中加封淮陽王兄宏畧字仲傑有謀畧通經史常從父柔鎮杞徙毫屢立戰功累官河南行省參政卒贈蔡國公

史弼字君佐一名塔刺渾博野人通蒙古語膂力過人世祖召令給事左右中統末攻宋襄樊率衆先登論功第一累官福建行省平章事世祖命征瓜哇以五千人渡海二十五萬里俘其王加封鄂國公

解誠定與人善水戰伐宋設方畧以功授水軍萬戶下大理有功世祖嘉獎之卒追封易國公子楫襲爵從南征平宋孫帖等哥征廣西交趾屢建勲績

楊果字正卿蒲陰人初爲偃師令徙蒲城所至以廉能稱中統中累官參知政事出爲懷孟路總管卒

尚野字文蔚滿城人至元中授國史編修累遷翰林直學士時以蔭補官者詔野同慶部

試其文藝野多所優假或病其寬野曰今初設此法冀來此習詩書知禮義耳非必責效目前也人服其長厚累遷國子祭酒卒

尚文字周卿保定人至元中以劉秉忠薦詔文與諸儒採定朝儀後出守輝州有政績累遷中臺侍御史守正不阿後以疾乞休武宗仁宗之世屢延致之訪以國事賜宴及金帛甚厚

李謙字受益東鹿人世祖時爲陽穀令敦教化重農桑斷獄明允時有嘉禾一莖數穗人以爲德政所致

張珪字公端宏範子武宗時中丞久闕方議擇人仁宗在東宮曰必欲得真中丞惟張珪可即日召拜丞相拜住常問以相體何先珪曰莫先於格君心莫急於廣言路延祐中拜翰林學士承旨以病還家

韓若愚字希賢滿城人皇慶初擢中書左司郎中時參政曹鼎新辭職帝曰若效韓若愚廉

勤足矣何用辭為後拜河南行省左丞會文宗平內難若愚畫策中機要遷江西北道廉訪使卒

郭克明 高陽人唐汾陽王子儀後知蠡州民安其化遷都轉漕運使請給孤老月糧平營繕價估讞獄江南多所平反進濟南總管卒

明

李彥名

字資善安州人洪武中舉通經儒士試禮部尚書詔定歷代帝王名臣從祀之典明

養老之禮嚴衣飾之禁彥名考據精密多見施行後以年老致仕

王

驥 字尚德東鹿人永樂進士授給事中持正不阿累官兵部尚書率兵勦滅西寇平雲南蠻洞進封靖遠伯有明一代以文臣而賜爵券者惟驥與王守仁兩人爾

田

禮 字敬思清苑人以蔭累官右都督同靖遠伯王驥征雲南孟養生擒其子思機發又討貴州苗賊戰香爐山寨七戰七勝諸苗請降禮撫綏有道所至德之

王文

字千之東鹿人永樂中登進士授監察御史宣德末奉命治彰德妖人張普祥獄還奏稱旨累遷左都御史景泰初南京地震江淮北大水命巡視上軍民便宜九事俄改吏部尚書人閣典機務江淮復大水再命文巡視文發倉廩賑饑民三百六十餘萬英宗復辟為石亨所構死西市弘治中追贈太保諡毅愍

郭

璉 新安人初名進太學生永樂中為戶部郎出為福建山東參議俱有政績宣德中為吏部侍郎上為改名璉遷吏部尚書甄別士類人服其明正統初歲旱蝗侍臣言大臣尸位令各自陳諸大臣皆乞去璉曰主上冲年吾輩皆先帝簡任受付託者一時請去誰與其理宜引罪自新不宜乞退眾聽之疏上盡留諸大臣璉後以老致仕年九十卒

耿

九疇 東鹿人永樂中進士正統初為鹽運司同知條奏均塔派節樣鹽二事著為令丁內艱商民詣闕乞留者三千人奪情陞運使廉儉嚴正門絕私謁楊士奇過淮上僅割一鷄為饌

士奇重之累遷刑部侍郎景泰初中州荒旱流民渡淮者眾彼此不相安命九疇巡視安置九疇為聯婚姻教樹畜與土著相輯睦者七萬戶境內宴如尋以副都御史鎮守陝西守臣逮耀州妖民三百餘悉坐死九疇曰狂民妄言實非反也悉減論天順初進禮部尚書尋移南京刑部卒諡

清惠

孟

鑑博野人宣德中進士歷官吏部侍郎海寇

黃蕭養作亂命鑑叅總戎務鑑至去城百里左右請兵為衛鑑惟從五騎入時城已閉二月鑑下令開門聽民出入賊詭乞降鑑知其謀伏甲待之賊果率眾圍城鑑率精銳奮擊遂獲黃蕭養傳首京師餘黨悉平景泰中以老乞歸

侯

瓚雄縣人景泰進士授戶部主事奉命視湖撫甘肅時有哈密之變瓚召赤金蒙古二衛授以方畧克復入城仕至南京兵部尚書

耿

裕九疇子景泰進士由翰林因九疇建言被斥裕亦出判泗州多惠政歷遷國子監祭

酒條教嚴明勲戚子弟入太學裕患其難教取所當習讀者輯成一書授之他日中使持至御前上嘉歎之累遷吏部尚書持正不徇故凡所舉薦皆當其才退居獨處無敢以私謁者至老不營治產業居第清修亮節世濟其美時論推之加太子太保而卒贈太保諡文恪

呂

雯字天章安州人天順時中順天鄉試成化初以才望授御史累遷右僉都御史巡撫

延綏修築榆林邊牆三百餘里敵六萬猝至擊却之雯精天文地理奇門六甲之術在軍中輒有奇驗召為兵部侍郎卒

傅

珪字邦瑞清苑人成化進士改庶吉士累官禮部尚書振舉綱維事無巨細一遵成憲

武宗好佛自名大慶法王一日內批下禮部有為大慶法王者敢並至尊大不敬當誅詔勿問所事亦寢盜劉六勢熾內監陸閻立監鎗名謀出統軍下廷議眾依違不斷珪議罷之不聽致仕歸

鄭陽

字宗乾安肅人宏治進士歷監察御史按

法拒之遂繫獄謫旌德主簿瑾誅累遷陝西巡撫都御史以平葭州盜功詔贈三世如其官

李緯

字汝靜唐縣人宏治進士授監察御史剛

其直後以忤劉瑾謫揚州推官卒

馮顯

字德彰安肅人宏治進士為濟南廬州二府推官獄明恕擢御史核餉甘肅釐革

宿弊累陞都御史巡撫河南正德中逆瑾忌吏部尚書許進諷顯誣劾顯不從曰寧忤權倖不

枉忠良瑾怒矯旨逮之途次瑾伏誅得免

宋璉

字汝器清苑人宏治中由鄉薦擢御史巡視中城鞫金牌鐵劄之獄名重當時特命

經畧三邊時劉瑾擅政璉上疏劾其黨侵內帑金數萬請先誅瑾而後奸黨可治理深啣之越

數日瑾敗武宗稱璉為真御史云璉後官至西寧副使

邵錫

字天祐安州人正德進士授行人擢吏科給事中數直諫武宗幸昌平疏請回鑾議

北征錫陳不可者十及駕出偕同官遮道泣諫世宗朝累遷都御史巡撫山東墨吏聞風解組

奪藩田數萬畝還之民

袁宗儒

字醇夫雄縣人正德進士官大理丞世宗朝議大禮宗儒力諫廷杖幾斃累擢巡撫

山東克平群盜陞戶部尚書宗儒啟歷中外三十餘年冰蘖之操有如一日常曰吾以忠孝事

君親以勤儉示子孫吾事畢矣

鄭洛

字禹秀安肅人嘉靖進士擢御史劾嚴嵩黨鄆懋卿萬案等出為山西叅政佐總督

王崇古欵俺答有功萬歷中以兵部侍郎總督宣大山西軍務時順義王子奢力克請乞無厭

奢寵姬號三娘子者饒智能洛因其俗往諭使貢市惟謹後火落赤挾奢力克為重突犯關中

命洛經畧屢立戰功官至少保戎政尚書

張

鎬

字啓內定興人嘉靖進士任職方郎會陝西督臣曾銑議復河套當事者咋舌不敢

任鎬毅然曰祖宗疆土豈可決委之旃裘况主客異勢勞費不貲安危之機決於今日復之便即有意外郎自當之其仔荷如此後治兵懷來擢巡撫宣大威望屹然敵人不敵犯未幾乞歸

王

祚

保定大寧衛人嘉靖進士性鯁直任貴州道御史諫沮馬市忤嚴嵩矯詔廷杖罷歸

後徵爲吏科給事中不就卒於家

鹿久徵

字子徵定興人萬歷進士知息縣時清丈天下田分上中下三格久徵報息田皆下

藩司勒如格往復數四終不能奪選授御史神宗以考選軍政事遣斥臺省三十餘人久徵同

馬經綸林熙春等抗疏論救謫判澤州歸卒追贈光祿寺少卿

李國楷

字元治高陽人萬歷進士改庶吉士天啟中歷官禮部尚書東閣大學士熹宗大漸

魏忠賢矯旨以已首受顧命國楷削之熹宗傳諭召皇五弟國楷大聲宣揚頃刻由禁中達於

外朝以絕非常莊烈帝即位甚倚毗之凡大事悉與商確逆閹既誅疏請優卹楊漣等皆見採

納後六疏乞休子告歸卒諡文敏

王

昺

字鑑心高陽人尚延慶公主爲附馬都尉萬曆時因請建儲逮御史劉光復詔獄昺

疏救坐謫貶孫文正承宗疏請宥之

陳居恭

字元禮安肅人以蔭官都督府僉事掌錦衣衛天啟中魏璫亂政錦衣官校多不法

居恭疏糾之遣戍者十餘人又申救建言被逮諸臣并劾魏璫三大罪罷職歸

本朝

李

壽

字景霽高陽人明大學士國楷子自幼苦志讀書言行不苟登順治丙戌進士授庶

吉士累官大學士壽以弱冠登第入閣時年甫三十有四風度端凝老成持重內介外和朝野倚以爲重

聖祖

初年輔政諸臣事多專決票擬未當壽每於談笑間

婉言曲喻徐使改易調劑之力居多三藩變作
察爾哈部落亦叛

天子命將討不庭統兵藩帥一應軍機方畧
諭旨口授肅起草肅每入或夜分乃出或留宿閣中人有
問者默不應其謹密如此肅嫻掌故又居相位

久凡

朝廷大典禮必以屬之出則扈從入則侍講所得
賜子悉以分給宗親三主會試尤稱得士恪恭忠慎三

恩眷稠渥亦異於等倫及卒

賜諡文勤祭葬如例
崇祀鄉賢

畿輔通志卷之七十一

